



□ 11
2971
37



口口
2971
卷 37



子史鈎沈

神農本草經

甘泉黃奭學

逸書考

中經

中藥一百二十種為臣主養性以應人無毒
有毒斟酌其宜欲遏病補羸者本中經

雄黃

石流黃

雌黃

水銀

石膏

慈石

疑水石

陽起石

孔公孽

殷孽

鐵精落

理石

神農本草經中

昭和十八年
十一月十日
請求

長石

膚青

右玉石中品十四種舊十六種

乾薑

泉耳實

葛根

括樓

苦參

當歸

麻黃

通草

芍藥

蠶寶

瞿麥

元參

秦艽

百合

知母

貝母

白芷

淫羊藿

黃芩

狗脊

石龍芮

茅根

紫苑

紫草

敗醬

白鮮皮

酸醬

紫參

橐本

石韋

萆薢

白薇

水萍

王瓜

地榆

海藻

澤蘭

防己

款冬華

牡丹

馬先蒿

積雪草

女菀

玉孫

蜀羊泉

爵牀

假蘇

翹根 右草中品

四十九種舊四十六種

桑根白皮

竹葉

吳茱萸

卮子

蕪荑

枳實

厚朴

秦皮

秦朮

山茱萸

紫葳

豬苓

白棘

龍眼

松蘿

衛矛

合歡

右木中品一十七種舊同

白馬莖

鹿茸

牛角腮

羖羊角

狗陰莖

麋羊角

犀角

右獸中品七種舊同

燕屎

天鼠屎

右禽中品二種舊三種

蝟皮

露蜂房

鼈甲

蟹

柞蟬

蟻螬

烏賊魚骨

白僵蠶

鮫魚甲

雉雞

活蟪

石龍子

木虫

蜚虫

蜚廉

廬蟲

伏翼

右蟲魚中品一十七種舊十六種

梅實

右果中品一種舊同

大豆黃卷赤小豆

粟米

黍米 右米穀中品
三種舊二種

蓼實 舊三種

水蘇 右菜
中品

黃味苦平寒主寒熱鼠瘻惡創疽痔死肌
精物惡鬼邪氣百盡毒勝五兵鍊食之輕
神仙一名黃食石生山谷

吳普曰雄黃神農苦山陰有丹雄黃生山
之陽故曰雄是丹之雄所以名雄黃也
名醫曰生武都敦煌山之陽采無時

案西山經云高山其下多雄黃郭璞云
大興三年高平郡界有山崩其中出數千
斤雄黃抱朴子僊藥篇云雄黃當得武都
山所出者純而無雜其赤如雞冠光明
曄乃可用耳其但純黃似雄黃色無赤
光者不任以作仙藥可以合理病藥耳

白流黃 流舊作硫御
覽引作流是味酸溫主婦人陰蝕疽
特惡血堅筋骨除頭禿能化金銀銅鐵奇物

御覽引云石流青白色主益肝
氣明目石流赤生羌道山谷生山谷

吳普曰硫黃一名石雷黃神農黃帝雷公
鹹有毒醫和扁鵲苦無毒或生易陽或河
西或五色黃是潘水石液也 潘即礬
古字燒令

有紫焰者八月九月采治婦人血結御覽云治

婦人絕陰道

名醫曰生東海牧羊山及太山河西山礬

石液也

案范子計然云石流黃出漢中又云劉馮節石流黃而更少劉逵注吳都賦云流黃土精也

黃味辛平主惡創頭禿痂疥殺毒蟲蝨身

并邪氣諸毒鍊之久服輕身增年不老生山

谷按御覽雌黃下

有石金精三字

名醫曰生武都與雄黃同山生其陰山有

金金精熏則生雌黃采無時

水銀味辛寒主疹癩痂瘍白禿殺皮膚中蝨

障胎除熱殺金銀銅錫毒鎔化還復為丹久

服神仙不死生平土

名醫曰一名永生符陵出於丹砂

案說文云頌丹沙所化為水銀也廣雅云水銀謂之汞淮南子地形訓云白巖九百歲生白頌云白頌水銀也

石膏味辛微寒主中風寒熱心下逆氣驚喘

口乾舌焦不能息腹中堅痛除邪鬼產乳金
創生山谷

名醫曰一名細石生齊山及齊盧山魯蒙
山采無時

慈石味辛寒主周痺風溼肢節中痛不可持
物洗洗酸消除大熱煩滿及耳聾一名元石
生山谷

吳普曰慈石一名磁君

名醫曰一名處石生大山及慈山山陰有

鐵處則生其陽采無時

案北山經云灌題之山其中多磁石郭
云可以取鐵管子地數篇云山上有慈
者下必有銅呂氏春秋精通篇云慈石
鐵淮南子說山訓云慈石能引鐵只作
舊作磁非醫別
出元石條亦非

凝水石味辛寒主身熱腹中積聚邪氣皮
如火燒煩滿水飲之入服不飢一名白水
生山谷

吳普曰神農辛岐伯醫和扁鵲甘無毒李
氏大寒或生邯鄲采無時如雲母色

一名寒水石

名醫曰一名寒水石一名凌水石鹽之精

也生常山又中水縣及邯鄲

案范子計然云凝水石出河東色澤者善

陽起石味鹹微溫主崩中漏下破子臧中血

癥瘕結氣寒熱腹痛無子陰痿不起御覽引作陰陽

不補不足御覽引有句攀二字一名白石生山谷

吳普曰陽起石神農扁鵲酸無毒桐君雷

公岐伯鹹無毒李氏小寒或生太山御覽引

陽起山采無時

名醫曰一名石生一名羊起石雲母根也

生齊山及琅邪或雲山陽起山采無時

公孽味辛溫主傷食不化邪結氣惡創疽

痔利九竅下乳汁御覽引云一名通石大觀本作黑字生山

吳普曰孔公孽神農辛岐伯鹹扁鵲酸無

毒色青黃

名醫曰一名通石殷孽根也青黃色生梁

山

公孽味辛溫主爛傷瘀血洩利寒熱鼠瘦癥

結氣一名薑石生山谷按此當與孔公孽為一條

名醫曰鍾乳根也生趙國又梁山及南海

采無時

鐵精平主明目化銅鐵落味辛平主風熱惡

剝瘍疽創痂疥氣在皮膚中鐵王墜肌耐痛

生平澤舊為三條今并

名醫曰鐵落一名鐵液可以染阜生牧羊

一及礪城或析城采無時

案說文云鐵黑金也或省作鐵古文作鐵

埋石味辛寒主身熱利胃解煩益精明目破

積聚去三蟲一名立制石生山谷

名醫曰一名肌石如石膏順理而細生漢

中及廬山采無時

長石味辛寒主身熱四肢寒厥利小便通血

脈明目去醫眇下三蟲殺蠱毒久服不飢一

石方石生山谷

吳普曰長石一名方石一名直石生長子

山谷如馬齒潤澤玉色長服不飢御覽

名醫曰一名土石一名直石理如馬齒方

而潤澤玉色生長子山及太山臨淄采無

時

屑青味辛平主蠱毒及蛇菜肉諸毒惡創生

川谷按御覽引作盧精誤

名醫曰一名推青一名推石生益州

案陶宏景云俗方及僂經並無用此者亦相與不復識

右玉石中品一十四種舊十六種攷鐵落

鐵宜與鐵精為一

乾薑味辛溫主胃滿欬逆上氣溫中止血

汗逐風溼痺腸澼下利生者尤良久服去

氣通神明生川谷

名醫曰生犍為及荊州揚州九月采

案說文云薑禦溼之菜也廣雅云稜廉也呂氏春秋本味篇云和之美者陽樸之薑高誘注陽樸地名在蜀郡司馬相如上林賦有芷薑云云

梟耳實味甘溫主風頭寒痛風溼周痺四

拘攣痛惡肉死肌久服益氣耳目聰明強
輕身一名胡菜一名地葵生川谷

名醫曰一名菘一名常思生安陸及六

田野實熟時采

案說文云菘卷耳也芥卷耳也廣雅云
耳菘常菜胡菜耳也爾雅云卷耳芥
郭璞云江東呼為常菜形似鼠耳叢生
盤毛詩云采采卷耳傳云卷耳芥耳也
璣云葉青白色似胡荽白華細莖蔓
煮為茹滑而少味四月中生子正如婦
耳瑞今或謂之耳瑞草鄭康成謂是白
萎幽州人謂之爵耳淮南子覽冥訓
賤向泉高誘云菜者菜耳菜名也
山謂之檀菜雜下謂之胡菜

葛根味甘平主消渴身大熱嘔吐諸痹起陰
氣解諸毒葛穀主下利十歲已上一名雜齊

根生川谷

吳普曰葛根神農甘生太山御覽

名醫曰一名鹿藿一名黃斤生汶山五月

采根暴乾

括樓根味苦寒主消渴身熱煩滿大熱補中
安中續絕傷一名地樓生川谷及山陰

吳普曰括樓一名澤巨一名澤姑御覽

名醫曰一名果羸一名天瓜一名澤姑聲
名黃瓜二月八月采根暴乾三十日成生

宏農

案說文云萆萆菓果瓜也廣雅云王白萆也土音爾雅云果羸之實括樓郭樸云今齊人呼之為天瓜毛詩云果羸之實亦施于宇傳云果羸括樓也呂氏春秋云王善生高誘云善或作瓜瓜瓢也案呂氏春秋善字乃萆之誤

苦參味苦寒主心腹結氣癥瘕積聚黃疸溺
有餘瀝逐水除癰腫補中明目止淚一名水
槐一名苦識生山谷及田野

名醫曰一名地槐一名菟槐一名驢

名白莖一名虎麻一名岑莖一名祿

名陵郎生汝南三月八月十月采根具

當歸味甘溫主欬逆上氣溫瘧寒熱洗在

膚中太觀本洗音靡婦人漏下絕子諸惡創瘍金

煮飲之一名乾歸生川谷按徐本洗字重

吳普曰當歸神農黃帝桐君扁鵲甘無毒
岐伯雷公辛無毒李氏小溫或生羌胡

名醫曰生隴西二月八月采根陰乾

案廣雅云山蕲當歸也爾雅云蕲山蕲郭璞云今似蕲而粗大又薛白蕲郭璞云即上山蕲范子計然云當歸出隴西無枯者善

麻黃味苦溫主中風傷寒頭痛溫瘧發表山汗去邪熱氣止欬逆上氣除寒熱破癥堅積聚一名龍沙

吳普曰麻黃一名卑相一名卑監神農

公苦無毒扁鵲酸無毒李氏平或生河東

四月立秋采御覽

名醫曰一名卑相一名卑鹽生晉地及河

東立秋采莖陰乾令青

案廣雅云龍沙麻黃也麻黃莖狗骨也范子計然云麻黃出漢中三輔

通草御覽作蓮草味辛平主去惡蟲除脾胃寒熱

通利九竅血脈關節令人不忘一名附支生

山谷

吳普曰蓮草一名丁翁一名附支神農黃

帝辛雷公苦生石城山谷葉菁蔓延止自

汗正月采御覽

名醫曰一名丁翁生石城及山陽正月采

枝陰乾

案廣雅云附支蓮草也中山經云升山其草多寇脫郭璞云寇脫草生南方高丈許似荷葉而莖中有瓢正白零陵人植而口灌之以為樹也爾雅云離南活蒼郭璞注同又倚商活脫郭璞云即離南也范子計然云蓮草出三輔

芍藥味苦平主邪氣腹痛除血痺破堅積寒

熱痂瘕止痛利小便益氣藝文類聚引云一名白木大觀本作

黑生川谷及邱陵

吳普曰芍藥神農苦桐君甘無毒岐伯鹹

李氏小寒雷公酸一名甘積一名解倉

名誕一名餘容一名白木三月三日采御覽

名醫曰一名白木一名餘容一名犁食一

名解倉一名鋌生中岳二月八月采根暴

乾

案廣雅云攀夷芍藥也白木牡丹也北山經云繡山其草多芍藥郭璞云芍藥一名辛夷亦香草屬毛詩云贈之以芍藥傳云芍藥香草范子計然云芍藥出三輔崔豹古今註云芍藥有三種有草芍藥有木芍藥木有花大而色深俗呼為牡丹非也又云一名可離

豨薟實味甘平主皮膚寒熱胃中熱氣風寒溼

痹堅筋骨令人嗜食久服輕身花葉去白蟲
一名劇草一名三堅一名豕首生川谷

吳普曰蠡實一名劇草一名三堅一名劇

荔華御覽一名澤藍一名豕首神農黃帝甘

辛無毒生宛句五月采同上

名醫曰一名荔實生河東五月采實陰乾

案說文云荔草也似蒲而小根可作厥廣雅云馬薜荔也月令云仲冬之月荔挺出鄭云荔挺馬薜也高誘注淮南子云荔馬物河北平澤率生之江東頗多種干階庭但呼為早蒲故不識馬薜

聖麥以苦寒主關格諸癰結小便不通

決癰腫明目去翳破胎墮子下閉血一名巨

句麥生川谷

名醫曰一名大菊一名大蘭生大山立秋

采實陰乾

案說文云蘧蘧麥也菊大菊蘧麥廣雅云此威陵苕蘧麥也爾雅云大菊蘧麥郭璞云一名麥句蘧即瞿麥陶宏景云子頗似麥故名瞿麥

元參味苦微寒主腹中寒熱積聚女子產乳

餘疾補腎氣令人目明一名重臺生川谷

神農本草經
 吳普曰元參一名鬼藏一名正馬一名重
 臺一名鹿腹一名端一名元臺神農桐君
 黃帝雷公扁鵲苦無毒岐伯鹹李氏寒或
 生冤胸山陽二月生葉如梅毛四四相值
 似芍藥黑莖方高四五尺華赤生枝間四
 月實黑御覽
 名醫曰一名元臺一名鹿腸一名正馬一
 名咸一名端生河閒及冤句三月四月采
 根暴乾

案廣雅云鹿腸元參也范子謂然云元參出三輔青色者善

秦艸味苦平主寒熱邪氣寒溼風痺肢節
 下水利小便生山谷

名醫曰生飛鳥山二月八月采根暴乾

案說文云荊草之相以者玉篇作荊居句切云秦艸藥凡同蕭炳云本經名秦瓜
則今本經名亦有名醫改之者

百合味甘平主邪氣腹張心痛利大小便

中益氣生川谷

吳普曰百合一名重邁一名中庭生冤

及荆山

藝文類聚引云一名重匡

名醫曰一名重箱一名摩羅一名中逢花

一名強瞿生荆州二月八月采根暴乾

案玉篇云播百合蒜也

知母味苦寒主消渴熱中除邪氣肢體浮腫

下水補不足益氣一名胝母一名連母一名

參一名地參一名水參一名水浚一名貨

一名蜚母生川谷

一名知母神農桐君無毒補不足益氣

綱覽引云一名提母

名醫曰一名女雷一名女理一名兒草

名鹿列一名韭逢一名兒躑草一名東

一名水須一名沈燔一名蕁生河內二

八月采根暴乾

案說文云芪芪母也蕁苑藩也或从人
蕁廣雅云芪母兒踵東根也爾雅云蕁
藩郭璞云生山上葉如韭一日蜚母范子
許然云蜚母出三輔黃白者善玉篇作
母

貝母味辛平主傷寒煩熱淋瀝邪氣疝瘕

癩乳難金創風瘕一名空草

名醫曰一名藥實一名苦花一名苦菜

名商字草一名勤母生晉地十月采根

乾

案說文云菑貝母也爾雅云貝父藥實爾雅云菑貝母郭璞云根如小貝圓而華葉似韭毛詩云言采其蕝傳云蕝貝也陸璣云其葉如括樓而細小其子在連累相著有分解也

白苣味辛溫主女人漏下赤白血閉陰疝

熱風頭僂目淚出長肌膚潤澤可作面

考香生川谷

黃普曰白芷一名薷一名苻離一名澤芬

一名葍御覽

名醫曰一名白苣一名薷一名莞一名苻

離一名澤芬葉一名葍麻可作浴湯生河

東下澤二月八月采根暴乾

案說文云苣薷也薷楚謂之薷晉謂之薷齊謂之苣廣雅云白芷其葉謂之葍西山經云號山其草多葍郭璞云葍白芷別名薷香草也淮南子修務訓云身若秋葍被風高誘云葍白芷香草也王逸注楚詞云葍白芷按名醫一名莞云云似即爾雅

芴 荷離其上而說文別有藹夫離也藹夫離上也是非一草舍人云白蒲一名荷藴楚謂之芴豈蒲與藴相似而名醫誤合為一乎或說文云楚謂之藴即夫藴也未可得詳舊作芷非

羊藿味辛寒主陰痿絕傷莖中痛利小便

氣力強志一名剛前生山谷按御覽一名蜀前

大普曰淫羊藿神農雷公辛李氏小寒堅

月御覽

醫曰生上郡陽山

味苦平主諸熱黃疸腸澼洩利逐水下

血閉惡創疽蝕火瘍一名腐腸生川谷

吳普曰黃芩一名黃文一名妬婦一名

勝一名經芩一名印頭一名內虛神農桐

君黃帝雷公扁鵲苦無毒李氏小溫二月

生赤黃葉兩兩四四相值莖空中或方員

高三四尺四月花紫紅赤五月實黑根黃

二月至九月采御覽

名醫曰一名空腸一名內虛一名黃文一

名經芩一名妬婦生秭歸及冤句三月三

曰采根陰乾

案說文云葢黃葢也廣雅云葢葢黃文而虛黃芩也范子計然云黃芩出三輔色善者

狗脊味苦平主腰背強關機緩急周痹寒濕

鄒疔頗利老人一名百枝生川谷

吳普曰狗脊一名狗青一名赤節神農

桐君黃帝岐伯雷公扁鵲甘無毒李氏

溫如草薺莖節如竹有刺葉圓赤根黃白

亦如竹根毛有刺岐伯經云莖長節葉端

員青莖皮白有赤脈

各醫曰一名強臂一名扶蓋一名扶筋

常山二月八月采根暴乾

案廣雅云菝葜狗脊也玉篇云菝葜狗脊根也名醫別出菝葜條非

石龍芮味苦平主風寒溼痹心腹邪氣利

節止煩滿久服輕身明目不老一名魯果

御覽作食果 一名地樵生川澤石邊

吳普曰龍芮一名薑苔一名天豆神農

平岐伯酸扁鵲李氏大寒雷公鹹無毒五

月五日采御覽

名醫曰一名石能一名彭根一名天豆生

太山五月五日采子二月八月采根陰乾

案范子計然云石龍芮出三輔色黃者善

茅根味甘寒主勞傷虛羸補中益氣除瘀血

血閉寒熱利小便其苗主下水一名蘭根一

名茹根生山谷田野

名醫曰一名地管一名地筋一名兼杜生

楚地六月采根

案說文云茅管也管茅也廣雅云管茅也爾雅云白華野管郭璞云管茅屬詩云白華菅兮白茅束兮傳云

白華野管也已漚爲管

紫菀味苦溫主欬逆上氣胃中寒熱結氣去

蠱毒痿瘳安五藏生山谷

吳普曰紫菀一名青菀御覽

名醫曰一名紫菀一名青菀生房陵及真

定邯鄲二月三月采根陰乾

案說文云菀菀出漢中房陵陶宏景云白者名白菀唐本注云白菀即女菀也

紫草味苦寒主心腹邪氣五疸補中益氣利

九竅通水道一名紫丹一名紫芙

御覽引云一名地血

入觀本無文 生山谷

吳普曰紫草節赤二月花

名醫曰生礪山及楚地三月采根陰乾

案說文云此草也藐此草也蔘草也可以染靛也廣雅云此蔘草也山海經云勞山多此草郭璞云一名紫蔘中染紫也爾雅云藐此草郭璞云可以染紫

敗醬味苦平主暴熱火創赤氣疥搔疽痔馬

鞍熱氣一名鹿腸生川谷

名醫曰一名鹿首一名馬草一名澤敗生

江夏八月采根暴乾

案范子計然云敗醬出三輔高宏景云氣如敗醬故以為名

白鮮味苦寒主頭風黃疸欬逆淋瀝女子陰

中腫痛溼痺死肌不可屈伸起止行步生川

按御覽白鮮治酒風

名醫曰生上谷及冤句四月五月采根陰

乾

案陶宏景云俗呼為白羊鮮氣息正似羊羶或名白羶

酸醬味酸平主熱煩滿定志益氣利水道產

難吞其實立產一名醋醬生川澤按御覽醬作漿

吳普曰酸漿一名酢漿御覽

名醫曰生荆楚及人家田園中五月采陰

乾

案爾雅云葳寒醬郭璞云今酸醬草江東呼曰苦葳

紫參味苦辛寒主心腹積聚寒熱邪氣通九

竅利大小便一名牡蒙生山谷按御覽云治牛病

吳普曰牡蒙一名紫參一名衆戎一名音

腹一名伏菟一名童腸神農黃帝苦李氏

小寒生河西山谷或宛句商山圓聚生根

黃亦有文皮黑中紫五月花紫赤實黑大

如豆三月采根御覽大觀本節文

名醫曰一名眾戎一名童腸一名馬行生

河西及宛句三月采根火炙使紫色

案范子計然云紫參出三輔赤青色者善

藁本味辛溫主婦人疝瘕陰中寒腫痛腹中

急除風頭痛長肌膚悅顏色一名鬼卿一名

地新生山谷

名醫曰一名微莖生崇山正月二月采根

暴乾三十日成

案廣雅云山蒞蔚香藁本也管子地員篇云五臭疇生藁本荀子大略篇云蘭芷藁本漸于蜜醴一佩易之樊光注爾雅云藁本一名藁蕪根名蘄芷舊作藁非

石韋味苦平主勞熱邪氣五癰閉不通利小

使水道一名石韋生山谷石上

名醫曰一名石皮生華陰山谷不聞水及

人聲者良二月采葉陰乾

草藓味苦平主腎背痛強骨節風寒溼周痺

心創不瘳熱氣生山谷

名醫曰一名赤節生真定八月采根暴乾

案博物志云菝菹與草藓相亂

白薇味苦平主暴中風身熱肢滿忽忽不知人狂惑邪氣寒熱酸疼溫瘧洗洗發作有時

生川谷

名醫曰一名白幕一名微草一名春草一

名骨美生平原三月三日采根陰乾

水萍味辛寒主暴熱身痒藝文類聚初學下記作癢此是

水氣勝酒長須髮藝文類聚作鳥鬢消渴久服輕身

一名水華藝文類聚引生池澤

吳普曰水萍一名水廉生澤水中葉員小

一莖一葉根入水五月華白三月采日乾

之御覽

名醫曰一名水白一名水蘇生雷澤三月

采暴乾

案說文云萍萍也無根浮水而生者萍華也黃大萍也廣雅云藻萍也夏小正云七月淫潦生萍爾雅云萍萍萍璞云水中浮萍汀東謂之藻又其大者藻毛詩云于以

宋蘋傳云蘋大萍也范子計然曰水萍出輔色青者善淮南子原道訓云萍樹根

丁水高誘云萍大蘋也

王瓜味苦寒主消渴內痺瘀血月閉寒熱酸

疼益氣愈聾一名土瓜生平澤

名醫曰生魯地田野及人家垣牆間三月

采根陰乾

案說文云蕢王蕢也廣雅云蕢瓜瓢王瓜也夏小正云四月王蕢秀爾雅云鉤蕢菇郭璞云鉤瓢也一名王瓜實如酸瓜正赤味苦月令王瓜生鄭元云月令云王蕢生孔穎達云疑王蕢則王瓜也管子地員篇剝土之次曰五沙其種大蕢細蕢白莖

青秀以蔓本草圖經云大蕘即王
蕘也芬亦謂之土瓜自別是一物

地榆味苦微寒主婦人乳痃痛七傷帶下病

止痛除惡肉止汗療金創御覽引云主消酒
又云明目大觀本

早消酒作黑
乎而無明目生山谷

名醫曰生桐柏及冤句二月八月采根暴

乾

案廣雅云菹藤地榆也陶宏景云葉似榆
而長初生布地而花子紫黑色如豉故名

豉

藻味苦寒主癭瘕氣頸下核破散結氣癰

腫癥瘕堅氣腹中上下鳴下十二水腫一名

落首生池澤

名醫曰一名薄生東海七月七日采暴乾

案說文云藻水草也或作藻廣雅云海藻
海藻也爾雅云薄海藻也郭璞云藥草也
一名海蘿如亂髮生海中本草云又薄不
衣郭璞云水苔也一名石髮江東食之或
曰薄葉似籬而大
生水底也亦可食

澤蘭味苦微溫主乳婦內衄御覽作
衄血中風發

疾大腹水腫身面四肢浮腫骨節中水金創

癰腫創膿一名虎蘭一名龍棗生大澤傍

吳普曰澤蘭一名水香神農黃帝岐伯
君酸無毒李氏溫生下地水傍葉如蘭
月生苗赤節四葉相值枝節閒

名醫曰一名虎蒲生汝南三月三日平
乾

案廣雅云虎
蘭澤蘭也

防己味辛平主風寒溫瘧熱氣諸癩除邪

大小便一名解離御覽作石解引云通湊理
利九竅大觀本六字黑

生川谷

吳普曰木防己一名解離一名解燕神

辛黃帝岐伯桐君苦無毒李氏大寒如葛

莖蔓延如芫白根外黃似桔梗內黑又如

車輻解二月八月十月采根御覽

名醫曰生漢中二月八月采根陰乾

案范子計然云防
己出漢中旬陽

欬冬花味辛溫主欬逆上氣善喘喉痹諸

癩寒熱邪氣一名橐吾御覽作石一名顛凍

冬一名虎須一名兔奚生山谷

吳普曰欵冬十二月花黃白藝文類聚

名醫曰一名氏冬生常山及上黨水

一月采花陰乾
案廣雅云苦萃欵凍也爾雅云菟筍郭璞云欵冬也紫華生水中西京云欵冬華于嚴冬傳咸欵冬賦序曰仲冬之月冰凌積雪欵冬獨敷華艷

牡丹味辛寒主寒熱中風痲痺驚癇除癥堅瘀血留舍腸胃安五臧療癰創鹿韭一名鼠姑生山谷

吳普曰牡丹神農岐伯辛李氏小寒

桐君苦無毒黃帝苦有毒葉如蓬相植根如指黑中有核二月采八月采日乾可食之輕身益壽御覽

名醫曰生巴郡及漢中二月八月采根陰

乾

案廣雅云白茱牡丹也范子計然云牡丹出漢中河內赤色者亦善

先蒿味平主寒熱鬼注中風溼痺女子帶病無子一名馬屎蒿生川澤

名醫曰生南陽

案說文云蔚高也廣雅云因塵馬先也
會稽云蔚杜郭璞云無子者毛詩云匪
我伊蔚傳云蔚杜也陸璣云三月始生
七月華似胡麻華而紫赤八月為角
角似小豆角銳而長一名
馬新蒿案新先聲相近
頑雪草味苦寒主大熱惡創癰疽浸淫赤瘰
及膚赤身熱生川谷

名醫曰生荊州

案陶宏景云荆楚人以葉如錢謂為地錢
草徐儀藥圖名連錢草本草圖經云咸洛
二京亦有或
名胡薄荷

味辛溫主風寒洗霍亂利腸鳴

上下無常處驚癇本熱百疾生川谷或山

吳普曰女苑一名白苑一名識女苑御覽

名醫曰一名白苑一名織女苑一女茆生

漢中正月二月采陰乾

案黃雅云女
苑女苑也

王孫味苦平主五臧邪氣寒溼痹四肢疼酸

鄒冷痛生川谷

吳普曰黃孫一名王孫一名蔓延一名公

草一名海孫神農雷公苦無毒黃帝甘無

毒生西海山谷及汝南城郭垣下蔓延赤
文莖葉相當御覽

名醫曰吳名白功草楚名王孫齊名長孫

一名黃孫一名黃昏一名海孫一名蔓延

生海西及汝南城郭下

案陶宏景云今方家皆呼王昏又云牡蒙

蜀羊泉味苦微寒主頭禿惡創熱氣疥搔癩

癬蟲療齧齒生川谷

名醫曰一名羊泉一名節生蜀郡

案廣雅云漆姑艾但鹿何澤也唐本注云此草一名漆姑

爵牀味鹹寒主腰脊痛不得著牀俛仰艱

除熱可作浴湯生川谷及田野按御覽作麻生漢中

吳普曰爵麻一名爵卿御覽

名醫曰生漢中

案別本注云今人名為香蘇

假蘇味辛溫主寒熱鼠瘦癩癧生創破結

氣下瘀血除溼痹一名鼠莫生川澤舊在部今

吳普曰假蘇一名鼠實一名薑芥也御覽

荆芥葉似落藜而細蜀中生噉之蜀本注

名醫曰一名薑芥生漢中

案陶宏景云即荆芥也薑荆聲譌耳牛居草部中今人食之錄在菜部中也

翹根味甘寒平御覽作味苦平主下熱氣益陰

人面說好明目久服輕身耐老生平澤舊

退中今移

吳普曰翹根神農雷公甘有毒三月八

不以作蒸飲酒病人御覽

一醫曰生高高二月八月采

案陶宏景云方藥不復用俗無識者

右草中呂四十九種舊四十六種攷菜部

假蘇及唐本退中翹根宜入此

桑根白皮味甘寒主傷中五勞六極羸瘵崩

中脈絕補虛益氣葉主除寒熱出汗桑耳黑

者主女子漏下赤白汁血病癥瘕積聚陰痛

陰陽寒熱無子五木耳名樗益氣不飢輕身

強志生山谷

名醫曰桑耳一名桑菌一名木麥生犍爲

六月多雨時采即暴乾

案說文云桑蠶所食葉木莢木耳也葇桑有甚半無甚名梳也郭璞云辨半也又女桑槁桑郭璞云今俗呼桑樹小而條長者為女桑樹又廩山桑郭璞云似桑材中作弓及車轆又桑柳槐條郭璞云阿那垂條
竹葉味苦平主欬逆上氣溢筋急惡瘍殺小蟲根作湯益氣止渴補虛下氣汁主風瘞實通神明輕身益氣

名醫曰生益州

案說文云竹冬生草也象形下俶者箬箬也

吳茱萸 御覽引無吳字是 味辛溫主溫中下氣止痛

欬逆寒熱除溼血痺逐風邪開腠理根殺三

蟲一名藜生山谷

名醫曰生冤句九月九日采陰乾

案說文云茱萸黃茱屬黃茱也藜煎菜黃漢律會稽獻藜一斗廣雅云藜檉檉檉檉林茱萸也三蒼云茱萸子聚生成房貌今江檉醜亦郭業云茱萸而小赤色禮記云三東亦呼茱萸似茱萸而小赤色禮記云三牲用藜鄭云藜煎菜黃也漢律會稽獻焉爾雅謂之檉范子計然云茱萸出三輔陶宏景云禮記名藜而俗中呼為藜子當是字似以相傳

厄舊作捩藝文類聚及御覽引作支是子味苦寒主五內邪氣

胃中熱氣面赤酒炮鼓鼻白癩赤癩創瘍一

名木丹生川谷

名醫曰一名越桃生南陽九月采實暴乾

案說文云梔黃木可染者廣雅云梔子梔桃也史記貨殖傳云巴蜀地饒厄集解云徐廣曰音支烟支也紫赤色也據說文當為梔

無萸味辛主五內邪氣散皮膚骨節中淫淫

溢行毒去三蟲化食一名無姑一名蕨蕒御覽

引云逐寸白散腹中濕生川谷

溫喘息大觀本作黑字

名醫曰一名蕨蕒生晉山三月采實陰乾

案說文云椶山粉榆有束莢可為蕨黃者廣雅云山榆母也爾雅云蕨黃蕨蕒郭璞云一名白蕨又無姑其實夷郭璞云無姑姑榆也生山中葉圓而厚剝取皮合清

之其味辛香所謂蕨蕒范子計然云蕨蕒在地赤心者善

枳實味苦寒主大風在皮膚中如麻豆苦啞

御覽作除寒熱結止利舊作痢御覽作利是長肌肉利

五臧益氣輕身生川澤

吳普曰枳實苦雷公酸無毒李氏大寒九

月十月采陰乾御覽

名醫曰生河內九月十月采陰乾

案說文云枳木似橘周禮云橘踰淮而化為枳沈括補筆談云六朝以前醫方唯有枳實無枳壳後人用枳之小嫩者為枳實大者為枳殼

厚朴味苦溫主中風傷寒頭痛寒熱驚悸氣血痹死肌去三蟲

吳普曰厚朴神農岐伯雷公苦無毒李氏

小溫御覽引云一名厚皮生交阯

名醫曰一名厚皮一名赤朴其樹名榛其子名逐生交阯冤句九月十月采皮陰乾

案說文云朴木皮也榛木也廣雅云重厚朴也范子計然云厚朴出宏農故今以榛為亲不知是厚朴說文榛栗字作亲

秦皮味苦微寒主風寒溼痺洗洗寒氣除目中青翳白膜久服頭不白輕身生川谷

吳普曰岑皮一名秦皮神農雷公黃帝

伯酸無毒李氏小寒或生冤句水邊二

八月采御覽

名醫曰一名岑皮一名石檀生廬江及

河二月八月采皮陰乾

案說文云榕青皮木或作糯淮南子椒訓云榕木色青翳高誘云榕木苦歷木生于山剝取其皮以水浸之正青用洗愈人目中膚翳据吳普云岑皮名秦人經作秦皮者後人以俗稱改之當為岑皮

秦菜味辛溫主風邪氣溫中除寒痹堅齒明目久服輕身好顏色耐老增年通神生

谷
名醫曰生太山及秦嶺上或琅邪八月

月采實

案說文云菜菜菜菜檄實裏如菜菜似似菜菜出淮南廣雅云檄林菜更也

案說文云菜菜菜菜檄實裏如菜菜似似菜菜出淮南廣雅云檄林菜更也
檄云原山多秦椒郭璞云子似椒下
檄云爾雅云檄大椒郭璞云今椒樹
檄云檄名為檄又檄醜菜郭璞云檄
檄云檄成房貌今江東亦呼菜檄似菜
檄云赤色毛詩云檄聊之實傳云檄聊
檄云檄似檄樹似菜黃有鍼刺葉堅而
檄云檄人作茶吳人作茗皆合煮其葉以
檄云檄子計然云秦椒出天水隴西細者善
檄云檄南子人閒訓云申椒杜蒞美人之所懷
檄云檄舊作椒非据山海經有秦椒生聞喜是
檄云檄則秦非秦地之秦也

山菜萸味酸平主心下邪氣寒熱溫中

溼痹去三蟲久服輕身一名蜀棗生山谷

吳普曰山菜萸一名魃實一名鼠矢

雞足神農黃帝雷公扁鵲酸無毒岐

一經酸或生冤句琅邪或東海承縣

梅有刺毛二月華如杏四月實如酸

五月采實御覽

名醫曰一名鷄足一名魁實生漢中及

邪冤句東海承縣九月十月采實陰乾

紫葳味酸御覽微寒主婦人產乳餘疾崩

癥瘕血閉寒熱羸瘦養胎生川谷

吳普曰紫葳一名武威一名瞿麥一名

居腹一名鬼目一名芟華神農雷公酸

伯辛扁鵲苦鹹黃帝甘無毒如麥根黑

月八月采或生真定御覽

名醫曰一名陵茗一名芟華生西海及山

陽

案廣雅云此葳陵茗蘧麥也爾雅云茗

茗郭璞云一名陵時本草云又黃華葉

華芟郭璞云茗華色異名亦不同毛詩

出三輔李當之云是瞿麥根据李說與

雅合而唐本注引爾雅注有一名陵雷

字謂即陵雷花陸璣以為

鼠尾疑皆非故不采之

豬苓味甘平主痰癰解毒蠱注御覽作不詳
水道久服輕身耐老御覽作一名狻豬

山谷

吳普曰豬苓神農甘雷公苦無毒御覽云如依

苓或生冤句八月采

名醫曰生衡山及濟陰冤句二月八月采

陰乾

案莊子云豕零司馬彪注作豕囊云一名豬苓根似豬卵可以治渴

白棘味辛寒主心腹痛癰腫潰膿止痛

棘鍼生川谷

名醫曰一名棘刺生雍州

案說文云棘小棗叢生者爾雅云髦顛棘孫炎云一名白棘李當之云此是酸棗樹鍼今人用天門冬苗代之非是真也案經云天門冬一名顛勒棘聲相近則今人用此亦非無因也

龍眼味甘平主五藏邪氣安志厭食久服強
魂聰明輕身不老通神明一名益智生山谷

吳普曰龍眼一名益智要術一名比目御覽

名醫曰其大者似栴榔生南海松樹上五

月采陰乾

案廣雅云益智龍眼也劉逵注吳都賦云龍眼如荔枝而小圓如彈丸味甘勝荔枝蒼梧交趾南海合浦皆鳳之山中人家亦種之

松羅味苦平主曠怒邪氣止虛汗頭風女子陰寒腫病一名女蘿生山谷

名醫曰生熊耳山松樹上五月采陰乾

案廣雅云女蘿松蘿也毛詩云蔦與文蘿傳云女蘿菟絲松蘿也陸璣云松蘿白蔓松上枝正青與免絲異

衛矛味苦寒主女子崩中下血腹滿汗出除

鬼毒藥法一名鬼箭生山谷

大普口藥一名衛矛神農黃帝桐君

無毒菜如桃如羽正月二月七月采陰

或生田野御覽

名醫曰生霍山八月采陰乾

案廣雅云鬼箭神箭也陶宏景云其莖有三羽狀如箭羽

合歡味甘平主安五藏利心志藝文類聚

作和心氣令人歡樂無憂久服輕身明目得所

生山谷

名醫曰生益州

案唐本注云或曰合昏歡昏音相近日華子云夜合

右木中品一十七種舊同

白馬莖味鹹平主傷中脈絕陰不起強氣長肌為肥健生子眼主驚癇腹滿瘧疾殺用之懸蹄主驚邪瘕癰乳難辟惡氣氣蠱注不祥生平澤

名醫曰生雲中

鹿茸味甘溫主漏下惡血寒熱驚癇益氣

志生幽不老角主惡創癰腫逐邪惡氣在陰中

名醫曰茸四月五月解角時取陰乾便時

躁角七月采

牛角鯁下閉血瘀血疼痛女人帶下血體補

中填骨髓久服增年膽可丸藥

案說文云鯁角中骨也

羊角味鹹溫主青盲明目殺疥蟲止寒洩

惡鬼虎狼止驚悸久服安心益氣輕身生

谷

名醫曰生河西取無時

案說文云殺夏羊牝曰殺爾雅云羊牝殺郭璞云今人便以牂殺為黑白羊名

狗陰莖味鹹平主傷中陰痿不起令強熱

生子除女子帶下十二疾一名狗精膽主

目名醫曰六月上伏取陰乾百日

麤羊角味鹹寒主明目益氣起陰去惡血注

下辟蠱毒惡鬼不祥安心氣常不厭寐生川

名醫曰生石城及華陰山采無時

案說文云麤大羊而細角廣雅云美皮冷

角爾雅云麤大羊郭璞云麤羊似羊而大

角圓銳好在山崖間陶宏景云爾雅名獬

羊據說文云覓山羊細角也爾雅云獬如

羊郭璞云獬似吳羊而大角角櫛出西方

覓即獬正字然本經矜字實麤字俗寫當

以麤為是爾雅釋

文引本草作麤

犀角味苦寒主百毒蟲注邪鬼障氣殺鉤吻

鴆羽蛇毒邪不迷惑厭寐久服輕身生山谷

名醫曰生永昌及益州

案說文云犀南徼外牛一角在鼻一角在

頂似豕爾雅云犀似豕郭璞云形似水牛

猪頭大腹庫脚有三蹄黑色三角一在頂上一在鼻上一在額上鼻上者即食角也小而不好食棘亦有一角者山海經云琴鼓之山多白犀郭璞云此與辟寒獨忿辟塵辟暑諸犀皆異種也范子計然云犀角出南郡上價八千中三千下一千石獸中品七種舊同

味辛平主蠱毒鬼注逐不祥邪氣破五小便生平谷

舊曰生高山

說文云燕元鳥也籥口布披枝尾象形呼避戊已乙元鳥也齊魯謂之乙取其來降燕乃睇傳云燕乙也九月

元鳥蟄傳云元鳥者燕也

天鼠屎味辛寒主面癰腫皮膚洗洗時痛腹

中血氣破寒熱積聚除驚悸一名鼠沘一名

石肝生山谷

名醫曰生合浦十月十二月取

案李當之云即伏翼屎也李云天鼠方言一名僂鼠案今本方言云或謂之老鼠當為天字之誤也

右禽中品二種舊同

蝟皮味苦平主五痔陰蝕下血赤白五色血

汁不止陰腫痛引要背酒煮殺之生川谷

名醫曰生楚山田野取無時

案說文云鬣似豪豬者或作蝟廣雅云虎蝟也爾雅云鬣毛刺郭璞云今謂狀似鼠淮南子說山訓云鵲矢中蝟

蜂房味苦平主驚癇癩癰寒熱邪氣瘰疾

精蠱毒腸痔火熬之良一名蜂腸生山谷

名醫曰一名百穿一名蜂勦生牂柯七月

不陰乾

南子汜論訓云蜂房那高誘云房巢也

鼈甲味鹹平主心腹癥瘕堅積寒熱去痞
肉陰蝕痔惡肉生池澤

名醫曰生丹陽取無時

案說文云鼈甲蟲也

蟹味鹹寒主胃中邪氣熱結痛啗僻面腫敗

漆燒之致鼠生池澤

名醫曰生伊洛諸水中取無時

案說文云蟬有二殼八足旁行非蛇蟬之
寸無所庇或作蟬蛻蟹也荀子勸學篇云
蟹六跪而二螯非蛇蟻之穴無所寄託
推云蝻蟬也爾雅云蝻蟬小者蝻郭璞

云或曰即蠶蟬也似蠶而小

柞蟬味鹹寒主小兒驚癇夜啼癩病寒熱生楊柳上

名醫曰五月采蒸乾之

案說文云蟬以旁鳴者蜩蟬也廣雅云蜩蟬也復育蛻也舊作蚘蟬別錄云蚘蟬也鳴蟬也殼一名桔蟬又名伏蜻案蚘蟬字周禮考工記云侈則柞鄭元云柞讀為柞然之柞聲大外也說文云鳴蟬之音同柞今据柞蟬即五月鳴蟬之爾雅云蜩蟬毛詩云如蜩傳云蜩蟬也方言云楚謂之蜩宋衛之間謂之蜩鄭之間謂之蜩秦晉之間謂之蜩海

之同謂之蜩論衡云蟬生於復育出而玉篇云蜩蟬七月生陶宏景音蚘蟬雅所云蛻矣唐本注非之也

蟬味鹹微溫主惡血血瘀血痺痹氣破

折血在脅下堅滿痛月閉目中淫膚青翳白

膜一名蟻蟻生平澤

名醫曰一名腥齊一名敦齊生河內人家

積糞草中取無時反行者良

案說文云齋齋蠱也蟬齋也蜩蟬齋也蜩蟬齋也廣雅云蜩蟬在糞土中又蟬蟬郭璞云蟬蟬郭璞云今雖通名蜩所在異又蜩蜩郭璞

郭璞云木中蠹蟲蝎桑蠹郭璞云卽拮据
毛詩云領如螭蟻傳云螭蟻也方言
云螭蟻謂之蟻自關而東謂之螭蟻或謂
之蚕蝎或謂之螭鼓梁益之間謂之蝎或
謂之蝎或謂之蝎蛭蛭秦晉之間謂之蠹或
謂之天蠹列子天瑞篇云烏足根爲蟻蟻
博物志云蟻蟻以背行快於足用說文
無蟻字當借蟹爲之聲相近字之誤也
烏賊魚骨味鹹微溫主女子漏下赤白經汁
血閉陰蝕腫痛寒熱癥瘕無子生池澤

名醫曰生東海取無時

案說文云鮒烏鮒魚名或作鮒左思賦有
烏賊劉逵注云烏賊魚腹中有墨陶宏景
云此是鸚鳥所化作今
其口脚具存猶相似爾

白僵蠶味鹹主小兒驚癇夜啼去三蟲滅
奸令人面色好男子陰瘍病生平澤

名醫曰生潁川四月取自死者

案說文云蠶任絲也淮南子說林訓云
食而不飲二十日而化博物志云蠶
化先孕而後交不交者亦生子後爲
皆無眉目易傷收采亦薄玉篇作蠶蠶
當爲僵舊
作僵非

鮫魚甲味辛微溫主心腹癥瘕伏堅積聚
熱女子崩中下血五色小腹陰中相引痛
疥死肌生池澤

名醫曰生南海取無時

案說文云鰾魚名皮可為鼓鼉水蟲似蜥易長大陶宏景云鮐即鼉甲也

樗雞味苦平主心腹邪氣陰痿益精強志

子好色補中輕身生川谷

名醫曰生河內樗樹上七月采暴乾

案廣雅云樗鳩樗雞也爾雅云翰天雞巡云一名酸雞郭璞云小蟲黑身赤頭

名莎雞又曰樗雞毛詩云六月莎雞振陸璣云莎雞如蝗而斑色毛翅數重其

正赤或謂之天雞六月中飛而振羽索索作聲幽州人謂之蒲錯是也

活榆味鹹寒主賊風喎僻軼筋及脫肛瘖

學縮一名陵蠶生池澤

名醫曰一名土蝸一名附蝸生大山及陰

地沙石垣下八月取

案說文云蝮虎蝮也贏一名虎蝮廣雅云

蠶贏蝸牛蝮蝮也中山經云青要之山是

多僕纍郭璞云僕纍蝸牛也周禮鼈人祭

祀供贏鄭云贏蝮蝮爾雅云蝮贏蝮蝮郭

璞云即蝸牛也名醫曰別出蝸牛條非舊

東異文然則當為活
石龍子味鹹寒主五癰邪結氣破石淋下血

利小便水道一名蜥易生川谷

亦農本草經
吳普曰石龍子一名守宮一名石蜴一名
不龍子御覽

生平陽及荆山石閒五月取著石上令乾

案說文云蜥蟲之蜥易也易蜥易蜥守宮也象形蜥在壁曰蜥蜥在草曰蜥或作蠹蜥蜥蛇醫以注鳴者廣雅云蛤解蜥蜥守宮也爾雅云蠹蜥蜥守宮也毛詩云胡為虺蜴蜴也或謂蜴蜴也陸璣云虺蜴一名蠹蜥蜴也或謂之蛇醫如蜥蜴青綠色大如指形狀可惡方言云守宮秦晉西夏謂之守宮或謂之蟾蜍或謂之蛇醫或謂之蠹蜥東齊海岱謂

之蠹蜥北燕謂之祝蜥桂林之
中守宮大者而能鳴謂之蛤解

木虫味苦平主目赤痛皆傷淚出瘀血血閉
寒熱酸慄無子一名魂常生川澤

名醫曰生漢中五月取

案說文云蠹齧人飛蟲廣雅云蠹齧蟲也此省文淮南子齊俗訓云水蠹為蠹芒高誘云青蛤也又說山訓云京散積血

蜚虫味苦微寒主逐瘀血破下血積堅痞癥
痕寒熱通利血脈及九竅生川谷

名醫曰生江夏五月取腹有血者良

蜚廉味鹹寒主血瘀御覽引云癥堅寒熱破

積聚喉咽痹內寒無子生川澤按御覽作生

吳普曰蜚廉蟲神農黃帝云治婦人寒熱

御覽

名醫曰生晉陽及人家屋閒立秋采

案說文云蜚盧蜚也蠱臭蟲負蠶也蠶自

蟄也廣雅云飛蠶飛蠶也爾雅云蜚蠶履

郭璞云即負盤臭蟲唐木注云漢中人食

之下氣名曰石薑一名盧蜚一名負盤蠶

疏引此作廉 盧蟲味鹹寒主心腹寒熱洗洗血積癥瘕破

壁下血閉生子大良一名地鼈生川澤

吳普曰廔蟲一名土鼈御覽

名醫曰一名土鼈生河東及沙中人家牆

壁下土中溼處十月暴乾

案說文云蠅蟲屬蠶自蠶也廣雅云負蠶

蟄也爾雅云草蟲負蠶郭璞云常羊也毛

詩云嚶嚶草蟲傳云草蟲常羊也陸璣云

小大長短如蝗也奇音青色好在茅草中

伏翼味鹹平主目瞑明日夜視有精光久服

令人喜樂媚好無憂一名蝙蝠生川谷舊作禽部

吳普曰伏翼或生人家屋閒立夏後陰乾
治目冥令人夜視有光藝文類聚

名醫曰生太山及人家屋閒立夏後采陰

乾

案說文云蝙蝠也蝙蝠服翼也廣雅云伏翼飛鼠也鼠自關而東謂之伏翼或謂之飛鼠或謂之老鼠或謂之仙鼠自關而西秦隴之間謂之蝙蝠北燕謂之蠟蠃李當之云即天鼠

右蟲魚中品一十七種舊十六種考禽部

伏翼宜入此

梅實味酸平主下氣除熱煩滿安心肢體痛

偏枯不仁死肌去青黑志惡疾生川谷

吳普曰梅實大觀本草作核明目益氣御覽不飢大觀

本草引吳氏本草

名醫曰生漢中五月采火乾

案說文云梅之屬或作藻某酸果也以梅為梅爾雅云梅郭璞云似杏實酢是以前注梅也周禮籩人饋食籩其實乾者毛詩疏云梅暴為腊羹臠齏齏中人含之以香口大觀本草

右果中品一種舊同

大豆黃卷味甘平主溼痺筋攣郛痛生大豆
塗癰腫煮汁飲殺鬼毒止痛赤小豆主下水
排癰腫膿血生平澤

吳普曰大豆黃卷神農黃帝雷公無毒采
無時去面黥得前胡烏啄杏子牡厲天雄
鼠屎共蜜和佳不欲海藻龍膽此法大豆
初出黃土芽是也生大豆神農岐伯生熟
寒九月采殺烏豆毒並不用元參赤小豆
神農黃帝鹹雷公甘九月采

御覽

名醫曰生大山九月采

案說文云未豆也象豆生之形也答小
也藿未之少也廣雅云大豆未也小豆
也豆角謂之莢其葉謂之藿爾雅
云戎叔謂之荏叔孫炎云大豆也

粟米味鹹微寒主養腎氣去胃脾中熱益

陳者味苦主胃熱消渴利小便

大觀本草
黑字据

吳普曰陳粟神農黃帝苦無毒治脾熱

粟養腎氣

御覽

案說文云粟嘉穀實也孫炎注爾雅案
稷云粟也今關中人呼小米為粟米是

神農本草經中

四八

黍米味甘溫主益氣補中多熱令人煩

黑字据
吳普增

吳普曰黍神農甘無毒七月取陰乾益中

補氣御覽

案說文云黍禾屬而黏者以大暑前種或謂之黍孔子曰黍可為酒禾人也廣雅云黍稷稻其采謂之禾齊氏要術引沱勝之書曰黍忌丑又曰黍生於巳壯於酉長於戌老於亥死於丑惡於丙午忌於丑寅卯接黍即糜之種也

右米穀中品三種舊二種

蓼實味辛溫主明目溫中耐風寒下水氣面

目浮腫癰瘍馬蓼去腸中蛭蟲輕身生川澤

吳普曰蓼實一名天蓼一名野蓼一名澤

蓼藝文類聚

名醫曰生雷澤

案說文云蓼辛菜蒿虞也蒿蒿虞蓼廣雅云葍龍韻馬蓼也爾雅云蒿虞蓼郭璞云葍呼葍草為龍鼓語轉耳毛詩云隰有游龍傳云龍紅草也陸璣云一名馬蓼葉大而赤色生水中高丈餘又以薦茶蓼傳云蓼水草也

葱實味辛溫主明目補中不足其莖可作湯

主傷寒寒熱出汗中風面目腫齷味辛溫主
金創創敗輕身不飢耐老生平澤

名醫曰生魯山

案說文云齷菜也葉似韭廣雅云韭齷齷
其華謂之菁爾雅云齷鴻蒼郭璞云即齷
菜也又勁山齷陶宏景云葱齷異物而
今共條本經既無韭以其同類故也

水蘇味辛微溫主下氣辟口臭去毒辟惡久
服通神明輕身耐老生池澤

吳普曰芥菹一名水蘇一名勞祖御覽

名醫曰一名雞蘇一名勞祖一名芥菹

名芥菹生九真七月采

案說文云蘇桂菹也廣雅云芥菹水蘇也
爾雅云蘇桂菹郭璞云蘇菹類故名桂菹
方言云蘇亦菹也關之東西或謂之蘇菹
謂之菹周鄭之間謂之公蕢沅湘之南謂
之菹其小者謂之蕢菹按蕢菹即香蒿也
亦名香菜名醫別出香蒿條非今紫蘇菹
荷等皆蘇類也
名醫俱別出之

右菜中品三種舊四種攷葱實宜與齷同
條今并假蘇宜入草部

今并附藏宜入草時

本草中品三蘇四蘇五蘇六蘇

蘇合蘇合蘇合蘇合蘇合蘇合

蘇合蘇合蘇合蘇合蘇合蘇合

蘇合蘇合蘇合蘇合蘇合蘇合

蘇合蘇合蘇合蘇合蘇合蘇合

蘇合蘇合蘇合蘇合蘇合蘇合

子史鈎沈

逸書考

神農本草經

甘泉黃奭學

下經

下藥一百二十五種為左使主治病以應地
多毒不可久服欲除寒熱邪氣破積聚愈疾
者本下經

石灰

礬石

鉛丹

粉錫鏡鼻

代赭

戎鹽大鹽

鹵鹽

白堊

冬灰



青琅玕 右玉石下品八種舊一十二種

附子 烏頭 天雄

半夏 虎掌 鳶尾

大黃 亭歷 桔梗

葇蕩子 草蒿 旋覆花

藜蘆 鉤吻 射干

蛇合 恒山 蜀漆

甘遂 白斂 青葙子

藿菌 白及 大戟

澤漆 茵芋 貫眾

薺華 牙子 羊躑躅

商陸 羊蹄 篇蓄

狼毒 白頭翁 鬼臼

羊桃 女青 連翹

闔茹 烏韭 鹿藿

蚤休 石長生 陸英

藎草 牛蒡 夏枯草

芫華 右草下品四十九種舊四十八種

巴豆

蜀茶

皂莢

柳華

棟實

郁李仁

莽草

雷丸

桐葉

梓白皮

石南

黃環

浚疏

鼠李

藥實根

欒華

蔓菜

右木下品一十七種舊一十八種

豚卵

麋脂

魴鼠

六畜毛蹄甲

右獸下品四種舊同

蝦蟇

馬刀

蛇蛻

邱蚓

蟾蜍

吳蚣

水蛭

班苗

貝子

石蠶

省囊

蜣螂

螻蛄

馬陸

地膽

鼠婦

熒火

衣魚

伏翼

右蟲魚下品一十九種舊一十八種

桃核仁

杏核仁

右木下品二種舊同

腐婢

右米穀下品一種舊同

苦瓠

木斲

右菜下品二種舊同

彼子右一種未詳

序列白字

佚文

附吳普本草

石灰味辛溫主疽瘍疥搔熱氣惡創癩疾死
肌墮眉殺痔蟲去黑子息肉一名惡灰生山

行

名醫曰一名希灰生中山

案惡灰疑當為墜
灰希石聲之緩急

礬石味辛大熱主寒熱鼠瘦蝕創死肌風癩

腹中堅一名青介石一名立制石一名固羊

石御覽引云除熱殺百
獸大觀本作黑字 出山谷

吳普曰白礬石一名鼠鄉神農岐伯辛有

毒桐君有毒黃帝甘有毒李氏云或生魏

興或生少室十二月採御覽引云一名太
白一名澤乳一名

食鹽又云李氏
大寒主溫熱

名醫曰一名白礬石一名太白石一名澤

乳一名食鹽生漢中及少室采無時

案說文云礬毒石也出漢中西山經云皋塗之山有白石焉其名曰礬可以毒鼠范子計然云礬石出漢中色白白者善淮南子地形訓云白天九百歲生白礬高誘云白礬礬石也又說林訓云人食礬石而死蠶食之而肥高誘云礬石出陰山一曰能殺鼠案西山經云毒鼠即治鼠瘻也

礬丹味辛微寒主吐逆胃反驚癩瘖疾除熱

下氣鍊化還成九元久服通神明御覽引作吐下云久

伏成生平澤

名醫曰一名鉛華生蜀郡

案說文云鉛青金也陶宏景云節今熬鉛所作黃丹也

粉錫味辛寒主伏尸毒螫殺三蟲一名解

錫鏡鼻主女子血閉癥瘕伏腸絕孕生山谷

舊作二種今并

名醫曰生桂陽

案說文云錫銀鉛之間也

代赭味苦寒主鬼注賊風蠱毒殺精物惡鬼

腹中毒邪氣女子赤沃漏下一名須丸生山

谷

名醫曰一名血師生齊國赤紅青色如雞

冠有澤染爪甲不渝者良采無時

案說文云赭赤土也北山經云少陽之山其中多美赭管子地數篇云山上有赭者其下有鐵范子計然云石赭出齊郡赤色者善蜀赭出蜀郡据元和郡縣志云少陽山在交城縣其地近代也

戎鹽主明目目痛益氣堅肌骨去毒蠱大鹽

令人吐御覽引云主腸胃結熱大觀木作黑字鹵鹽味苦寒主

天熱消渴狂煩除邪及下蠱毒柔肌膚御覽引云

一名寒石生池澤舊作三種今并

名醫曰戎鹽一名胡鹽生胡鹽山及西羌

酒泉福祿城東南角北海青南海

十月采大鹽生邯鄲及河東鹵鹽生河

鹽池

案說文鹵鹽鹹也古者宿沙初作者海濱鹵地也從鹵省象鹽形安定有鹵池也望鹽販之澤郭璞云即解縣城在河東猗氏縣案在山西安邑

白堊宋苦溫主女子寒熱癥瘕月閉積聚

山谷御覽引本草經白堊即自善土也生邯鄲

申農本草經下

吳普曰白堊一名白蟾一切經音義

名醫曰一名白善生邯鄲采無時

案說文云堊白塗也中山經云蔥嶺之山是多白堊

冬灰味辛微溫主黑子去眚息肉疽蝕疥搔

一名藜灰生川澤

名醫曰生方谷

青琅玕味辛平主身痒火創癰傷疥搔死肌

一名石珠生平澤

名醫曰一名青珠生獨郡采無時

本草說文云琅玕似珠者古文作琅玕貢云雍州貢璆琳琅玕鄭云琅玕珠也

右玉石下品九種舊十二種粉錫鏡鼻

為二戎鹽大鹽鹵鹽為三非攷當各為一

子味辛溫主風寒欬逆邪氣溫中金創破

以堅積聚血痕寒溼踈御覽作痿躄拘攣郝痛不

行步御覽引云為百藥之長大觀本作黑字生山谷

吳普曰附子一名葇神農辛岐伯雷公甘

有毒李氏苦有毒大溫或生廣漢八月采

皮黑肥白御覽

名醫曰生健為及廣漢冬月采為附子春

采為烏頭御覽

案范子計然云附子出蜀武都中白色者善

烏頭味辛溫主中風惡風洗洗出汗除寒溼
痺欬逆上氣破積聚寒熱其汁煎之名射罔
殺禽獸一名奚毒一名卽子一名烏喙生山

谷

吳普曰烏頭一名萇一名干狄一名毒公

一名卑負

御覽作果負

一名耿子神農雷公桐

君黃帝甘有毒正月始生葉厚莖方中空

葉四面相當與蒿相似

案證類本草亦作果負

又云烏喙神農雷公桐君黃帝有毒李氏

小寒十月采形如烏頭有兩岐相合如烏

之喙名曰烏喙也所畏惡使盡與烏頭同

一名煎子一名葺神農岐伯有大毒李氏

大寒八月采陰乾是附子角之大者畏惡

與附子同

御覽大觀本節文

名醫曰生朗陵正月二月采陰乾長三寸

已上為天雄

案說文云翦鳥喙也爾雅云芟葶藶子計然云頭出三輔中白者善國語云驪姬置葶藶于肉韋昭云葶藶頭也淮南子主術訓云葶藶于雞毒高誘云雞毒鳥頭也按雞毒即子翦子側子也名醫別錄云非條

天雄味辛溫主大風寒溼痺癱節痛

急破積聚邪氣金創強筋骨輕身健

白幕御覽引云長陰氣強志令人武勇力作不倦大觀本作黑字

名醫曰生少室二月采根陰乾

案廣雅云蘿奚毒附子也一歲為附子二歲為烏喙三歲為附子四歲為烏頭五歲為天雄淮南子繆稱訓云天雄烏喙藥之凶毒也良醫以活人

半夏味辛平主傷寒寒熱心下堅下氣喉咽

腫痛頭眩胃張欬逆腸鳴止汗一名地文一

名水玉已上八字元本黑生川谷

吳普曰半夏一名和姑生微邱或生野中

葉三三相偶二月始生白華員上御覽

名醫曰一名示姑生槐里五月八月采根

暴乾

案月令云二月半夏生范子計然云半夏出三輔色白者善列仙傳云赤松子服水玉以教神農疑即半夏別名

虎掌味苦溫主心痛寒熱結氣積聚伏梁傷筋痿拘緩利水道生山谷

吳普曰虎掌神農雷公苦無毒岐伯桐君辛有毒立秋九月采之御覽引云或生太山或宛胸

名醫曰生漢中及冤句二月八月采陰乾案廣雅云虎掌瓜屬也

鳶尾味苦平主蠱毒邪氣鬼注諸毒破癥瘕

積聚去水下三蟲生山谷

吳普曰鳶尾治蠱毒御覽

名醫曰一名烏園生九疑山五月采

案廣雅云鳶尾烏蕙射干也疑當作射干也唐本草注云與射干全別

大黃味苦寒主下瘀血血閉寒熱破癥瘕積

聚留飲宿食蕩滌腸胃推陳致新通利水穀

御覽此下有道字調中化食安和五臧生山谷

吳普曰大黃一名黃良一名火參一名膚

如神農雷公苦有毒扁鵲苦無毒李氏小

寒為中將軍或生蜀郡北部或隴西二月

花生生黃赤葉四四相當黃莖高三尺許

三月華黃五月實黑三月采根根有黃汁

切陰乾御覽

名醫曰一名黃良生河西及隴西二月八

月采根火乾

案廣雅云黃良大黃也

亭歷舊作葶蒨御覽作亭歷味辛寒主癥瘕積聚結氣

飲食寒熱破堅一名大室一名大適生平澤

野按徐木破堅下有通利

名醫曰一名丁歷一名葦蒿生藁城立頁

後采實陰乾得酒良

案說文云葦亭歷也廣雅云狗薺大室亭歷也爾雅云葦亭歷郭璞云實葉皆似芥

淮南子繆稱訓云亭歷愈張西京雜記云亭歷死於盛夏

後味辛微溫主胃脅痛如刀刺腹滿腸鳴

驚恐悸氣御覽引云一名利生山谷如大觀本作黑字

普曰桔梗一名符扈一名白藥一名利

如一名梗草一名盧如神農醫和苦無毒

歸鵲黃帝鹹岐伯雷公甘無毒李氏大寒

藥如薺芫莖如筆管紫赤二月生御覽

名醫曰一名利如一名房圖一名白藥一

名梗草一名薺芫生嵩高及冤句二八月

采根暴乾

采說文云桔梗藥名廣雅云犁如桔梗也戰國策云今求柴胡及之畢黍梁父之陰則郊車而載耳桔梗于沮澤則累世不得一焉爾雅云芫芫芫郭璞云薺芫据名醫云是此別名下文出薺芫條非然陶宏景亦別為二矣

黃芩味苦寒主齒痛出蟲肉瘕拘急使人

健行見鬼多食令人狂走久服輕身走及奔

馬強志益力通神一名橫唐生川谷

名醫曰一名行唐生海濱及雍州五月采

子

案廣雅云蕪萍蘭蕪也陶宏景云今方家多作蕪蕪舊作若案說文無若蕪字史記淳于意傳云菑川王美人懷子而不乳飲以菑蕪藥一撮本草圖經引作蕪蕪是

草蒿味苦寒主疥搔痂痒惡創殺蝨雷熱在

骨節開明目一名青蒿一名方漬生川澤

名醫曰生華陰

案說文云蒿菝也菝香蒿也或作莖爾雅云蒿菝郭璞云今人呼青蒿香中炙啖者為菝史記司馬相如傳菝蘭注漢書音義曰菝蘭蒿也陶宏景云即今青蒿

旋復花味鹹溫主結氣脇下滿驚悸除水去

五臧閒寒熱補中下氣一名金沸草一名盛

樾生川谷

名醫曰一名戴樾生平澤五月采花日乾

二十日成

案說文云復盜庚也爾雅云復盜庚郭璞云旋復似葍

盧御覽作味辛寒主蠱毒欬逆洩利腸

黎蘆

頭瘍疥搔惡創殺諸蟲毒去死肌一名葱苒

生山谷

吳普曰藜蘆一名葱葵一名豐蘆一名蕙

御覽引云一名神農雷公辛有毒

黃帝岐伯鹹有毒李氏太寒大毒扁鵲苦

有毒大葉小根相連御覽引云二月采根

名醫曰一名葱葵一名山葱生太山三月

采根陰乾

案廣雅云藜蘆葱苒也苒子計然云藜蘆出河東黃白者善爾雅云蒼山葱疑非此

鉤吻御覽味辛溫主金創乳瘻中惡風欬逆
上氣水腫殺鬼注舊作注御覽作注是蠱毒一名野葛
生山谷

吳普曰秦鉤吻一名毒根一名野葛神農
辛雷公有毒殺人生南越山或益州葉如
葛赤莖大如箭方根黃色或生會稽東冶

正月采御覽

名醫曰生傅高山及會稽東野

案廣雅云黃鉤吻也淮南子說林謂云蛇螫人傅以和堇則愈高誘云野葛

毒藥博物志云鉤吻毒性心葱葉拂解之陶宏景云或云鉤吻是毛茛洗掃補筆談云閩中人呼為吻芥亦謂之野葛嶺南人謂之胡蔓俗謂之斷腸草此草人間至毒之物不入藥用恐本草所出別是一物非此鉤吻也

射干味苦平主欬逆上氣喉痺咽痛不得消
息散結氣腹中邪逆食飲大熱一名烏

名烏蒲生川谷

吳普曰射干一名黃遠御覽

名醫曰一名烏嬰一名烏吹一名草薷生

南陽田野三月三日采根陰乾

案廣雅云鳶尾烏薤射干也荀子勸學篇云西方有木焉名曰射干莖長四寸范子計然云射干根如□□□安定

蛇合原注云合是合字味苦微寒主驚癇寒熱邪氣

除熱金創疽痔鼠癩惡創頭瘍一名蛇銜

山谷

名醫曰生益州八月采陰乾

案本草圖經云或云是雀瓢卽是蘿摩之別名據陸璣云芄蘭一名蘿摩幽州謂之雀瓢則卽爾雅芄芄蘭也唐本草別出蘿摩條非又見女青

恒山舊作常山御覽作恒山是味苦寒主傷寒寒熱熱

溢瘡鬼毒胃中痰結吐逆一名元草生

吳普曰恒山一名漆葉神農岐伯苦

大寒桐君辛有毒二月八月采

名醫曰生益州及漢中八月采根陰乾

案後漢書華佗傳云佗授以漆葉青黏漆葉屑一斗青黏十四兩以是爲率言以服去三蟲利五藏輕體使人頭不白

蜀漆味辛平主瘧及欬逆寒熱腹中癥堅癩

結積聚邪氣蠱毒鬼注舊作莊御覽作蛙生川

吳普曰蜀漆葉一名恒山神農岐伯

辛有毒黃帝辛一經酸如漆葉莖菁

五月采御覽

名醫曰生江林山及蜀漢中常山苗也

月采葉陰乾

案廣雅云恒山蜀漆也范子計然云蜀漆出蜀郡

甘遂味苦寒主大腹疝瘕腹滿面目浮腫

飲宿食破癥堅積聚利水穀道一名主用

川谷

甘遂一名主用

名鬼醜一名陵藁一名甘藁一名苦

澤神農桐君苦有毒岐伯雷公有毒須二

月八月采御覽

名醫曰一名甘藁一名陵藁一名陵澤一

名重澤生中山二月采根陰乾

案廣雅云陵澤甘遂也范子計然云甘遂出三輔

白斂味苦平主癰腫疽創散結氣止痛除熱

目中赤小兒驚癇溫瘧女子陰中腫痛一名

荒核一名白草生山谷

名醫曰一名白根一名崑崙生衡山二月

八月采根暴乾

案說文云蒼白蕞也或作蕞毛詩云蕞蔓于野陸璣疏云蕞似栝樓葉盛而細其子正黑如燕薺不可食也幽人謂之烏服其莖葉鬻以補牛除熱爾雅云蕞菟荻郭璞云未詳据玉篇云蕞白蕞也經云一名菟核核與荻聲相近即此矣

青菴子味苦微寒主邪氣皮膚中熱風搔身痒殺三蟲子名草決明療唇口青一名草蒿

名萋蒿生平谷

名醫曰生道傍三月三日采莖葉陰乾五

月六日采子

案魏略云初平中有青牛先生常服青菴子菴當作菴字

藿菌味鹹平主心痛溫中去長蟲白癩蟻蟲

蛇螫毒癥瘕諸蟲一名藿蘆生池澤

名醫曰生東海及渤海章武八月采陰乾

案爾雅云蒞灌茵芝文選注引作茵聲類云蒞灌茵芝也疑即此藿菌或一名蒞一

白及味苦平御覽作辛主癰腫惡創敗疽傷陰死

肌胃中邪氣賊風鬼擊痲緩不收一名甘根

一名連及草生川谷

吳普曰神農苦黃帝辛李氏大寒雷公辛

無毒莖葉似生薑藜蘆十月華直上紫赤

根白連二月八月九月采按御覽白及一名白根

名醫曰生北山及冤句及越山

案隋羊公服黃精法云黃精一名白及亦為黃精別名今名醫別出黃精條

大戟味苦寒主蠱毒十二水腫滿急痛積聚

中風皮膚疼痛吐逆一名叩鉅案此無生川澤三字者古

或與澤漆為一條

名醫曰生常山十二月采根陰乾

案爾雅云蕎叩鉅郭璞云今藥草大戟也淮南子繆稱訓云大戟去水

澤漆味苦微寒主皮膚熱大腹水氣四肢面

目浮腫丈夫陰氣不足生川澤

名醫曰一名漆莖大戟苗也生太山三月

三日七月七日采莖葉陰乾

案廣雅云漆莖澤漆也

茵芋味苦溫主五藏邪氣心腹寒熱羸瘦如

瘡狀發作有時諸關節風溼痺痛生川谷

吳普曰茵芋一名卑其微溫有毒狀如莽
草而細軟御覽

名醫曰一名莞草一名卑共生太山三月

三日采葉陰乾

貫眾味苦微寒主腹中邪熱氣諸毒殺三蟲

一名貫節一名貫渠一名百頭御覽一名虎

一名扁符生山谷

吳普曰貫眾一名貫來一名貫中一名渠

母一名貫鍾一名白芹一名藥藻一名扁

符一名黃鍾神農岐伯苦有毒桐君扁鵲

苦一經甘有毒黃帝鹹酸微苦無毒葉黃

兩兩相對莖黑毛聚生冬夏不老四月花

八月實黑聚相連卷旁行生三月八月采

根五月采藥御覽

名醫曰一名伯萍一名藥藻此謂草鴟頭

生元山及冤句少室山二月八月采根陰

乾

案說文云草也廣雅云貫節貫眾也爾雅云樂貫眾郭璞云葉圓銳莖毛黑布地

而農本草經
冬夏不死一名貫渠又上云扁符止郭璞
云未詳据經云名篇符即此也爾雅當
云篇符止
樂貫氣

堯花味苦平寒主傷寒溫瘧下十二水破積

大堅癥瘕蕩滌腸胃中留癖飲食寒熱邪

利水道生川谷按證類本草平作辛是黑字

名醫曰生咸陽及河南中牟六月采花陰

乾

于味苦寒主邪氣熱氣疥搔惡瘍創痔去

一名狼牙生川谷

吳普曰狼牙一名支蘭一名狼齒一名犬
牙一名抱牙神農黃帝苦有毒桐君鹹岐
伯雷公扁鵲苦無毒或生冤句葉青根黃
赤六月七月華八月實黑正月八月采根

御覽

名醫曰一名狼齒一名狼子一名犬牙生

淮南及冤句八月采根暴乾

案范子計然云狼牙出三輔色白者善

羊躑躅味辛溫主賊風在皮膚中淫淫痛溫

癘惡毒諸癘生川谷

吳普曰羊躑躅花神農雷公辛有毒生淮

南治賊風惡毒諸邪氣御覽

名醫曰一名玉支生太行山及淮南山三

月采花陰乾

案廣雅云羊躑躅英光也古今注云羊躑躅花黃羊食之則死羊見之則躑躅分散故名羊躑躅陶宏景云花苗似鹿葱

商陸味辛平主水腫疔瘕癰腫殺鬼

精物一名葛根一名夜呼生川谷

諸曰如人形者有神生成陽

桑說文葛草枝枝相值葉葉相當廣雅云常參馬尾商陸也爾雅云蓬藂馬尾

云今關西小呼為藂江東為當陸周易云葛陸夬夬鄭元云葛陸商陸也蓋藂即

易俗字商即葛假音

歸味苦寒主頭禿疥搔除熱女子陰蝕御覽

無字一名東方宿一名連蟲陸一名鬼目

川澤

名醫曰一名蓄生陳雷

案說文云蓄草也讀若釐藿藿草也芟藎草也廣雅云蓄羊蹄也毛詩云言采其藎

申農本草經下

本草綱目卷之四十一
羊蹄
今人謂之羊蹄陶宏景云今人呼秃菜
節是蓄音之譌詩云言采其蓄案陸英疑
節此草之花此草一名連蟲陸又陸英即
芴藿一名萑
芴亦苦寒

蓄味辛平主漫淫疥搔疽痔殺三蟲御覽引云

一名篇竹大生山谷按證類本草辛作苦

吳普曰篇蓄一名蓄辯一名篇蔓御覽

名醫曰生東萊五月采陰乾

案說文云篇篇莧也莧篇莧也薄水篇莧
讀若督爾雅云竹篇蓄郭璞云似小藜赤
華節好生道旁可食又殺蟲毛詩云綠竹
猗猗傳云竹篇竹也韓詩薄云薄篇莧地

石經

狼毒味辛平主欬逆上氣破積聚飲食寒熱

水氣惡創鼠瘦疽蝕鬼精蠱毒殺飛鳥走獸

一名續毒生山谷

名醫曰生秦亭及奉高二月八月采根陰

乾

案廣雅云狼毒也疑上脫續毒二字中山
經云大隗之山有草焉其狀如蒼而毛青
華而白實其名曰狼服
之不天可以為腹病

白頭翁味苦溫主溫瘧狂易寒熱癥瘕積聚

癭氣逐血止痛療金瘡一名野丈人一名胡
王使者生山谷

吳普曰白頭翁一名野丈人一名奈何草

神農扁鵲苦無毒生蒿山川谷破氣狂寒

熱止痛

御覽

名醫曰一名奈何草生高山及田野四月

采

案陶宏景云近根處有白茸狀似人白頭故以為名

鬼曰味辛溫主殺蠱毒鬼注精物辟惡氣不

祥逐邪解百毒一名爵犀一名馬曰毒公
名九曰生山谷

吳普曰一名九曰一名天曰一名雀犀一

名馬目公一名解毒生九真山谷及冤句

二月八月采根

御覽

名醫曰一名天曰一名解毒生九真及

句二月八月采根

羊桃味苦寒主燔熱身暴赤色風水積聚
疔瘍除小兒熱一名鬼桃一名羊腸生川谷

名醫曰一名萇楚一名御弋一名桃弋生

山林及田野二月采陰乾

案說文云萇楚桃弋一名羊桃廣雅云鬼桃桃弋羊桃也中山經云豐山多羊桃狀如桃而方莖可以為皮張爾雅云長楚姚芑郭璞云今羊桃也或曰鬼桃葉似桃華白子如小麥亦似桃毛詩云隰有萇楚傳云萇楚桃弋也陸璣云今羊桃是也葉長而狹華紫赤色其枝莖弱過一尺引草於草上今人以為汲灌重而善沒不如楊柳也近下根刀切其皮著熱灰中脫之可韜筆管

女青味辛平主蠱毒逐邪惡氣殺鬼溫瘧辟

不祥一名雀瓢御覽作翹

吳普曰女青一名霍由祇神農黃帝辛

名醫曰蛇銜根也生朱崖八月采陰乾

案廣雅云女青烏葛也爾雅云萇芑蘭郭璞云萇芑蔓生斷之有白汁可啖毛詩云芑蘭之支傳云芑蘭草也陸璣云一名蘿摩幽州人謂之雀瓢別錄云雀瓢白汁主蟲蛇毒即女青苗汁也唐本草出蘿摩條非

連翹味苦平主寒熱鼠瘻癰癰腫惡創癩

癩結熱蠱毒一名異翹一名蘭華一名軹一

名三廉生山谷

名醬曰一名折根生太山八月采陰乾

案爾雅云連異翹郭璞云一名連若又名連本草云

蘭茹御覽作味辛寒主蝕惡肉敗創死肌殺

疥蟲排膿惡血除大風熱氣善忘不樂生川

按證類本草作蘭茹下注云音間

吳普曰間茹一名離樓一名屈居神農辛

岐伯酸鹹有毒李氏大寒二月采葉負黃

高四五尺葉四四相當四月華黃五月實

黑根黃有汁亦同黃三月五月采根黑頭

者良御覽

名醫曰一名屈据一名離婁生代郡五月

采陰乾

案廣雅云屈居蘆茹也范子計然云間茹出武都黃色香善

烏韭味甘寒主皮膚往來寒熱利小腸芴光

氣生山谷石上

案廣雅云昔那烏韭也在屋曰昔那在牆曰垣衣西山經云草荔狀如烏韭唐本注云即石衣也亦名石苔又名石髮按廣雅又云石髮石衣也未知是一否

鹿藿味苦平主蠱毒女子要腹痛不樂腸癰

瘰癧瘍氣生山谷

名醫曰生汝山

案說文云蕪鹿藿也讀若剽廣雅云蕪鹿藿也爾雅云藿鹿藿其實蒞郭璞云今鹿豆也葉似大豆根黃而香蔓延生

蚤休味苦微寒主驚癇搖頭弄舌熱氣在腹中瘕疾癰創陰蝕下三蟲去蛇毒一名蚤休生川谷

名醫曰生山陽及冤句

案鄭樵云蚤休曰螫休曰重樓金線曰重臺曰草甘遂今人謂之紫河車服食家所用而莖葉亦可愛多植庭院間

石長生味鹹微寒主寒熱惡創火熱辟鬼氣不祥御覽作辟惡氣不祥鬼毒一名丹草御覽引云丹草

吳普曰石長生神農苦雷公辛一經廿

咸陽御覽

名醫曰生成陽

陸英味苦寒主骨閒諸痺四肢拘攣疼痛寒痛陰痿短氣不足腳腫生川谷

名醫曰生熊耳及冤句立秋采又曰菊

味酸溫有毒一名董今本誤一名芟生

野春夏採葉秋冬採莖根

案說文云董草也讀若董芟董讀也讀急董董卓也廣雅云董益陸英也爾雅云芟董唐本注陸英云此物萌蘗也後人不識浪出萌蘗條今注云陸英味寒無毒萌蘗味酸溫有毒既此不同難謂一種蓋其類爾

蓋草味苦平主久欬上氣喘逆久寒

疥白禿瘍氣殺皮膚小蟲生川谷

吳普曰王芻一名黃草神農雷公曰

山山谷治身熱邪氣小兒身熱氣

名醫曰可以染黃作金色生青衣九月十

月采

案說文云蓋草也茶王芻也爾雅云芟王芻郭璞云芟芻也今呼鴨腳莎毛詩云綠竹猗猗傳云芟王芻也唐本注云蓋草俗名芟芻草爾雅所謂王芻

牛扁味苦微寒主身皮創熱氣可作浴湯殺

牛蝨小蟲又療牛病生川谷

名醫曰生桂陽

案陶宏景云太常貯名扁特或名扁毒

夏枯草味苦辛寒主寒熱瘰癧鼠瘦頭創

癥散癭結氣脚腫溼痹輕身一名夕句一名
乃東生川谷

名醫曰一名燕面生蜀郡四月采

芫華味辛溫主欬逆上氣喉鳴喘咽腫短氣
蠱毒鬼瘡疔痕癰腫殺蟲魚一名去水生川

谷舊在水部非

吳普曰芫華一名去水一名敗華一名兒

草根一名黃大戟神農黃帝有毒扁鵲岐

伯苦李氏大寒二月生葉青加厚則黑莖

有紫赤白者三月實落盡葉乃生三月五

月采華芫花根一名赤芫根神農雷公

有毒生邯鄲九月八月采陰乾久服令

洩可用毒魚御覽亦見

名醫曰一名毒魚一名杜芫其根名蜀

可用毒魚生淮源三月三日采花陰乾

案說文云芫魚毒也爾雅云杭魚毒郭云杭大木子似栗生南方皮厚汁赤中
耶果范子計然云芫華出三輔史記倉公
傳臨菑女子病瘳飲以芫花一撮出
可數升病已顏師古注急就篇云郭景純
說誤耳其生南方用藏耶果白別一杭

乃左思所云縣杭柅
檀者耳非毒魚之杭

右草下品四十九種舊四十八種攷木經

芫華宜入此

巴豆味辛溫主傷寒溫瘧寒熱破癥瘕結
堅積留飲淡癖大腹水張蕩練五藏六府
通閉塞利水穀道去惡肉除鬼毒蠱注耶

御覽作鬼

殺蟲魚一名巴叔

舊作椒御覽作菽

生

谷

吳普曰巴豆一名巴菽神農岐伯桐君

有毒黃帝甘有毒李氏主溫熱寒葉如火

豆八月采

御覽

名醫曰生巴郡八月採陰乾用之去心皮

案唐雅云巴未巴豆也列禦傳云元俗餌
巴豆淮南子說林訓云魚食巴菽而死人

食之而肥

蜀椒味辛溫主邪氣欬逆溫中逐骨節皮膚
死肌寒溼痺痛下氣久服之頭不白輕身增
年生川谷

名醫曰一名巴椒一名蒗藪生武都及巴

郡八月采實陰乾

案范子計然云蜀椒出武都赤色者善陸璣云蜀人作茶又見秦椒即爾雅萊陶宏景云俗呼為膠

阜莢味辛鹹溫主風痺死肌邪氣風頭淚出

利九竅殺精物生川谷

名醫曰生雍州及魯鄒縣如豬牙者良九

月十月采陰乾

案說文云莢草實范子計然云阜莢出三輔上價一枚一錢廣志曰雞栖子阜莢也

味苦寒主風水黃疸面熱黑一名柳絮

主馬疥痂創實主潰癰逐膿血子汁療渴

生川澤

名醫曰生琅邪

案說文云柳小楊也檉河柳也楊木也爾雅檉河柳郭璞云今河旁赤莖小楊又旄澤柳郭璞云生澤中者又楊蒲柳郭璞云可以為箭左傳所謂董澤之蒲毛詩云無折我樹杞傳云杞木名也陸璣云杞柳屬也

棟實味苦寒主溫疾傷寒大熱煩狂殺三蟲

疥瘍利小便水道生山谷

名醫曰生荆山

案說文云棟木也中山經云其實如棟郭璞云棟木名子如指頭白而結可以浣衣也淮南子時則訓云七月其樹棟高誘云棟實鳳皇所食今雒城旁有棟樹實秋熟

那李仁味酸平主大腹水腫面目四肢浮腫

利小便水道根主齒斷腫齩齒堅齒一名爵

李生川谷

吳普曰郁李一名雀李一名車下李一名

棣御覽

名醫曰一名車下李一名棣生高山及邱

陵上五月六月采根

案說文云棣白棣也廣雅云山李雀其酸也爾雅云常棣棣郭璞云今關西有棣樹子如櫻桃可食毛詩云六月食鬱傳云鬱

棣屬劉楨毛詩義問云其樹高五六尺其實大如李正赤食之甜又詩云常棣之華傳云常棣棣也陸璣云與李一名雀李

曰車下李所在山中皆有其花或白或赤六月月中熟大子如李子可食沈括補筆談云晉宮閣銘曰華林園中有車下李三百一十四株莫李一株

疥搔御覽有疽瘡二字蟲魚生山谷

吳普曰莽草一名春草神農辛雷公桐

苦有毒生上谷山谷中或冤句五月采

風御

名醫曰一名蒨一名春草生上谷及冤句

五月采葉陰乾

案中山經云朝歌之山有草焉名曰莽葍可以毒魚又蒨山有木焉其狀如棠而葉可以毒魚爾雅云蒨春草郭璞云一名芒草本草云周禮云翦氏掌除蠹物以草薰之范子計然云莽草出三輔者善陶宏景云字亦作蒨

雷丸御覽作雷公丸味苦寒主殺三蟲逐毒氣胃中

熱利丈夫不利女子作摩膏除小兒百病

引云一名雷矢生山谷

吳普曰雷丸神農苦黃帝岐伯桐君甘春

毒扁鵲甘無毒李氏大寒御覽引云一名雷實或生漢中

八月

名醫曰一名雷矢一名雷實生石城及

中土中八月采根暴乾

案范子計然云雷矢出漢中色白者善

桐葉味苦寒主惡蝕創著陰皮主五痔殺

蠱華主傳豬創飼豬肥大三倍生山谷

名醫曰生桐柏山

案說文云桐榮也梧桐木一名櫬爾云櫬梧郭璞云今梧桐又榮桐木郭璞即梧桐毛詩云梧桐生矣傳云梧桐柔木也

梓白皮味苦寒主熱去三蟲葉搗傅豬創

豬肥大三倍生山谷

名醫曰生河內

案說文云梓楸也或作梓椅梓也楸梓價楸也爾雅云槐小葉曰榎郭璞云櫬乃皮粗散者為楸又大而散楸郭璞毛詩云椅桐梓漆傳云椅梓屬陸璣云者楸之疏理白色而生子者曰梓梓實

皮曰椅

石南味辛苦主養腎氣內傷陰衰利筋骨皮

毛實殺蠱毒破積聚逐風痺一名寇目生山

谷

名醫曰生華陰二月四月采實陰乾

黃環味苦平主蠱毒鬼注鬼魅邪氣在臧中

除欬逆寒熱一名凌泉一名大就生山谷

吳普曰蜀黃環一名生芻一名根韭神農

黃帝岐伯桐君扁鵲辛一經味苦有毒一

月生初出正赤高二尺葉黃員端大莖葉
有汁黃白五月實員三月采根根黃從理
如車輻解治蠱毒御覽

名醫曰生蜀郡三月采根陰乾

案蜀都賦有黃環劉逵云黃環出蜀郡沈括補筆談云黃環即今朱藤也天下皆有葉如槐其花穗紫如葛花可作菜食火不熟亦架種之謂藤花者且

可作浴湯

及田野故邱虛也

名醫曰一名巨骨生熊耳山四月采

案李當之云凌疏一名楊樞一名牡荆一名空疏皮白中空時時有節子似枸杞子冬日熟色赤味甘苦

鼠李主寒熱癩癧創生田野

吳普曰鼠李一名牛李御覽

名醫曰一名牛李一名鼠梓一名棹采無

時

案說文云棹鼠梓木爾雅云棹鼠梓郭璞云楸屬也今江東有棹梓毛詩云北山有棹傳云棹鼠梓一名趙李一名阜李一名鳥否唐本注云一名趙李一名阜李一名鳥

槎

藥寶根味辛溫主邪氣諸痹疼酸續絕傷補

骨髓一名連木生山谷按證類本草辛作黑字

名醫曰生蜀郡采無時

案廣雅云貝父藥實也

藥華味苦寒主目痛淚出傷皆消目腫生川

谷

名醫曰生漢中五月采

案說文云藥木似欄山海經云雲雨有木名藥黃木赤枝青葉羣帝焉取

唐道一謂侯墓樹樁大夫藥上槐流括補等說二藥有一種樹生其實可作藥珠者謂之木藥本草藥花是也

蔓椒味苦溫主風寒溼痺癰節疼除四肢麻

氣鄰痛一名家椒生川谷及邱冢間

名醫曰一名豬椒一名彘椒一名狗椒生

雲中采莖根煮釀酒

案陶宏景云俗呼為膠似椒葉小不香爾一名旃椒可以蒸病出汗也

右木下品一十七種舊十八種今移芫華

入草

卵味苦溫主驚癇瘕疾鬼注蠱毒除寒熱
亦五癰邪氣攣縮一名豚頭懸蹄主五痔
在腸腸癰內蝕

說文云豕小豕也从豕省象形从又持
以給祭祀篆文作豚方言云豬其子或
謂之豚或謂之豚吳
揚之間謂之豬子

脂味辛溫主癰腫惡創死肌寒風溼痺四
不緩不收風頭腫氣通湊理一名官脂生

曰生南山及淮海邊十月取

案說文云麋鹿屬冬至解其角漢書云
同以為麋之為言迷也蓋牝獸之淫者也
驅鼠主障胎令人產易生平谷

名醫曰生山都

案說文云鷖鼠形飛走且乳之鳥也籀文
作鷖廣雅云鷖鷖飛鷖也陶宏景云是鷖
鼠一名飛生見爾雅云
鷖鼠夷由也舊作鷖非

六畜毛蹄甲味鹹平主鬼注蠱毒寒熱驚癇
瘕狂走駱駝毛尤良

案陶宏景云六畜謂馬牛羊
羊豬狗雞也蹄即蹄省文

右獸下品四種舊同

蝦蟇味辛寒主邪氣破癥堅血癰腫陰創服之
之不患熱病生池澤

名醫曰一名蟾蜍一名醜一名去甫一名

苦蠶生江湖五月五日取陰乾東行者良

案說文云蝦蟇也蟇蝦蟇也龍光龍蟾諸也其鳴詹詹也龍光或作醜醜醜詹詹也夏小正傳云蟾也者長股也或曰屈造之屬也詩曰得此醜醜言其行醜醜也居陸地淮南謂之去廣雅云蝦蟇居陸地也兩雅云龍蟾蟾又蟻蟻郭璞云似蝦蟇類周禮云蟬今御食蟬也月令云仲夏之月反舌無聲

云今謂之蝦蟇薛君韓詩注云戚施蟾蜍也高誘注謂南子云蟾蟾蟾也又蝦蟇蟾也又蟾蜍蝦蟇又鼓造一曰蝦蟇抱樸子內篇云或問魏武帝曾收左元放而桂格之而得自然解脫以何法乎

馬刀味辛微寒御覽有補中二字大觀本黑字主漏下赤白

寒熱破石淋殺禽獸賊鼠生池澤

吳普曰馬刀一名齊倉神農岐伯桐君鹹

有毒扁鵲小寒大毒生池澤江海采無時

也御覽

名醫曰一名馬蛤生江湖及東海采無時

案范子計然云馬刀出河東藝文類聚引
本經云蛤表有文又曰馬刀一名蛤
則豈古本與
文蛤為一邪

蛇蛻味鹹平主小兒百二十種驚癇瘕癰瘰
疔寒熱腸痔蟲毒蛇癩火熱之良一名龍子
一名蛇符一名龍子單衣一名弓皮生川
谷及田野

吳普曰蛇蛻一名龍子單衣一名弓皮一
名蛇附一名蛇筋一名龍皮一名龍單衣

御覽

名醫曰一名龍子皮生荊州五月五日十

五日取之良

案說文云它蟲也从虫而長象冤曲必尾
形或作蛇蛻蛇蟬所解皮也廣雅云蝮蟄
蟄也中山經云來山多空
奪郭璞云即蛇皮蛻也

水鹹寒主蛇瘕去三蟲伏尸鬼注蠱毒
長蟲仍自化作水生平土

吳普曰蚯蚓一名白頸螻蛄一名附引御覽

名醫曰一名土龍二月取陰乾

案說文云螻蛄側行者或作蚓螻蛄也廣雅
云蚯蚓螻蛄引無也爾雅云螻蛄豎蠶郭
中農本草經下

申農本草經下

璞云卽蛩蟪也江東呼寒蛩舊作蛩非呂氏春秋淮南子邱明出不从虫又說山訓云蛩無筋骨之強高誘注蛩一名蝮端也舊又有白頸二字据吳普古本當無也

川谷

名醫曰一名土蜂生熊耳及牂柯或人屋

閒

案說文云螞蟧蠃蒲盧細要土蜂也或作螺蠃螺蠃也廣雅云土蜂螞蟧也爾雅十蜂毛詩云螞蟧有子螺蠃負之傳云螺蠃蒲盧也禮記云夫政也者蒲盧也鄭云蒲盧果蠃謂土蜂也方言云蠃其小者謂之螞蟧或謂之螞蟧說文無螞蟧字或當為醫

吳蚣味辛溫主鬼注蠱毒噉諸蛇蟲魚毒殺

鬼物老精溫虐去三蟲御覽引云一名至掌大觀本在水蛭下

生川谷

名醫曰生大吳江南赤頭足者良

案廣雅云螞蟧吳公也

水蛭味鹹平主逐惡血瘀血月閉御覽作水閉破

血痕積聚無子利水道生池澤

名醫曰一名蚊一名至掌生雷澤五月六

月采暴乾

案說文云蛭蟻也蛭蛭蟻至掌也爾雅云蛭蟻郭璞云今江東呼水中蛭蟲入人肉者為蟻又蛭蟻至掌郭璞云未詳据名醫即蛭也

班苗味辛寒主寒熱鬼注蠱毒鼠瘻惡創瘡

蝕死肌破石癰一名龍尾生川谷

吳普曰斑猫一名斑蚝一名龍蚝一名斑

苗一名捲髮一名盤蚤一名晏青神農辛

岐伯鹹桐君有毒扁鵲甘有大毒生河內

川谷或生水石

名醫曰生河東八月陰取乾

案說文云蟹蟻毒蟲也廣雅云蟹蟻晏青也名醫別出完青條非完晏音相近也舊作猫俗字据吳氏云一名班苗是也

貝子味鹹平主目翳鬼注蠱毒腹痛下血五

癰利水道燒用之良生池澤

名醫曰一名貝齒生東海

案說文云貝海介蟲也居陸名殼在水名蝸象形爾雅云貝小者鱗郭璞云今細貝亦有紫色出日南又蟻小而帶郭璞云即上小貝

石蠶味鹹寒主五癰破石淋墮胎肉解結氣

利水道除熱一名沙蝨生池澤

吳普曰石蠶亦名沙蠶神農雷公酸無毒
生漢中治五淋破隨內結氣利水道除熱

御覽

名醫曰生江漢

案廣雅云沙蠶蠅也淮南萬畢術云沙蠶一名蓬活一名地脾御覽蟲豸部引李當之云類蟲形如老蠶生附石廣志云皆蠶色赤大過蟻在水中入人皮中殺人與李似不同

雀糞味甘平主小兒驚癇寒熱結氣蠱毒鬼

注一名驟舍

名醫曰生漢中采蒸之生樹枝

也八月取

案說文云蚘蚘斯黑也爾雅云蠶蚘蚘璞云載屬也今青州人呼載為蚘其如雀子又如繭蟲之蛹因呼之

蛭蝨味鹹寒主小兒驚癇瘕瘕腹張寒熱
人瘕疾狂易一名蛭蝨火熬之良生池澤

名醫曰生長沙五月五日取蒸藏之

案說文云蛭渠蛭一曰天杜廣雅云天杜蛭蝨也爾雅云蛭蝨蛭蝨郭璞云黑甲蟲噉糞土玉篇蛭蝨同說文無蛭字渠蛭即蛭音之緩急

癥瘕墮胎一名蚘青生川谷

吳普曰地膽一名元青一名杜龍一名青

虹御覽

名醫曰一名青葙生汶山八月取

案廣雅云地膽蚘要青蠶青蠅也陶宏景云狀如大馬蟻有翼偽者即班貓所化亦如大豆

鼠婦味酸溫主氣癢不得小便婦人月閉

癥瘕瘕寒熱利水道一名負蟠一名蚘威生

平谷

名醫曰一名蜈蚣生魏郡及人家地上五

月五日取

崇說文云蚘威委黍委黍鼠婦也負也爾雅云蟠鼠負郭璞云瓮器底蟲又伊威在室傳云伊威委黍也陸璣云在壁根下糞底中生似白魚

熒火味辛微溫主明目小兒火創傷熱氣

毒鬼注通神一名夜光御覽引云一名熠燿一名

黑字生池澤

吳普曰螢火一名夜照一名熠燿一名

火一名景天一名據火一名挾火

藝文類聚

名醫曰一名放光一名熠燿一名即炤

階地七月七日收陰乾

案說文云燐兵死及牛馬之血為燐鬼也。也从炎舛爾雅云燐火即炤郭璞云夜也。腹下有火毛詩云熠燿宵行傳云熠燿也。燐螢火也。月令云季夏之月腐草化為螢。鄭元云螢飛蟲螢火也。掘毛萇以螢為燐。是也。說文無螢字。當以燐為之。爾雅作燐。亦是。舊作螢。非。又按月令腐草為螢。當是蠲字假音。

衣魚味鹹溫無毒主婦人疝瘕小便不利

利作泄小兒中風御覽作頤風項強御覽作項強背起摩之

名白魚生平澤

吳普曰衣中白魚一名蟬御覽

名醫曰一名蟬生成陽

案說文云蟬白魚也。廣雅云白魚。蛎魚也。爾雅云蟬白魚。郭璞云衣書中蟲一名蛎魚。

右蟲魚下品一十八種舊同

桃核仁味苦平主瘀血閉瘕邪氣殺小蟲

桃花殺注惡鬼令人好顏色桃鳧微溫主殺

百鬼精物初學記引云梟桃在樹不落殺百鬼桃毛主下血瘕

寒熱積寒無子桃蠹殺鬼邪惡不祥生川谷

名醫曰桃核七月采取仁陰乾花三月三

日采陰乾桃鳧一名桃奴一名梟景是實

著樹不落實中者正月采之桃蠹食桃樹

蟲也生太山

案說文云桃果也玉篇云桃毛果也爾雅云桃李醜核郭璞云子中有核仁孫炎云類皆有核

杏核仁味甘溫主欬逆上氣雷鳴喉痹下氣

產乳金創寒心賁豚生川谷

名醫曰生晉山

案說文云杏果也管子地員篇云五沃之土其木宜杏高誘注淮南子云杏有竅在中

右果下品二種舊同

腐婢味辛平主痲瘧寒熱邪氣洩利陰不起

病酒頭痛生漢中

吳普曰小豆花一名腐婢舊作付月誤神農甘

毒七月采陰乾四十日治頭痛止渴御覽

名醫曰生漢中即小豆花也七月采陰乾

右米穀下品一種舊同

苦瓠味苦寒主大水面目四肢浮腫下水令人吐生川澤

名醫曰生晉地

案說文云瓠匏匏也廣雅云匏瓠也爾雅云瓠棲毛詩云匏有苦葉傳云匏謂之瓠又九月斷壺傳云壺瓠也古今注云瓠蘆也壺蘆瓠之無柄者瓠有柄者又云瓠瓠也其惚曰匏瓠則別名

水斲味甘平主女子赤沃止血養精保血脈益氣令人肥健嗜食一名水英生池澤

名醫曰生南海

案說文云芹楚葵也近菜類也周禮云蒹菹爾雅云芹楚葵郭璞云今水中芹菜字林云蔞草生水中根可緣器又云蔞菜似蒜生水中

石菜下品二種舊同

彼子味甘溫主腹中邪氣去三蟲蛇螫蠱毒鬼注伏尸生山谷舊在唐本退中

名醫曰生永昌

案陶宏景云方家從來無用此者古今諸醫及藥家子不復識又一名熊子不知其形何類也掌禹錫云樹似杉子如檳榔本經蟲部云彼子蘇注云彼字合從木爾雅

云彼一名排

三合合三百六十五種法三百六十五度一

度應一日以成一歲倍其數合七百三十名也

掌禹錫曰本草例神農本經以朱書名醫

別錄以墨書神農藥三百六十五種今此

言倍其數合七百三十名是併名醫別錄

副品而言也則此下節別錄之文也當作

墨書矣蓋傳寫漫久朱墨錯亂之所致耳

案禹錫說是也改為細字

藥有君臣佐使以相宣攝合和宜用一君二

臣三佐五使又可一君三臣九佐使也

藥有陰陽配合子母兄弟根莖華實草石骨

肉有單行者有相須者有相使者有相畏者

有相惡者有相反者有相殺者凡此七情合

和視之當用相須相使者良勿用相惡相反

者若有毒宜制可用相畏相殺者不爾勿合

用也

藥有酸鹹甘苦辛五味又有寒熱溫涼四

及有毒無毒陰乾暴乾采造時月生熟土

所出真偽陳新並各有法

藥性有宜丸者宜散者宜水煎者宜酒清者

宜膏煎者亦有一物兼宜者亦有不可入湯

酒者並隨藥性不得違越

欲療病先察其原先候病機五藏未虛六腑

未竭血脈未亂精神未散服藥必活若病已

成可得半愈病執已過命將難全

若用毒藥療病先起如黍粟病去即止不

之不去十之取去為度

療寒以熱藥療熱以寒藥飲食不消以吐下

藥鬼注蠱毒以毒藥癰腫創痛以創藥風溼

以風溼藥各隨其所宜

病在胃膈以上者先食後服藥病在小腹以

下者先服藥而後食病在四肢血脈者宜空

腹而在旦病在骨髓者宜飽滿而在夜

夫大病之主有中風傷寒寒熱溫瘧中惡霍

亂大腹水腫腸澀下利大小便不通黃疸上

氣欬逆嘔吐黃疸消渴雷飲癖食堅積癥瘕
驚邪癩癘鬼注喉痺齒痛耳聾目盲金創踈
折癰腫惡創痔瘻癭瘤男子五勞七傷虛乏
羸痿女子帶下崩中血閉陰蝕蟲蛇蠱毒所
傷此大畧宗兆其間變動枝葉各宜依端緒
以取之

右序例白字

本草經佚文

上藥令人身安命延昇天神仙遨遊上下役

便萬靈體毛羽行廚立至

抱朴子內篇
神農經据太

御覽

中藥養性下藥除病能令毒蟲不加猛獸

能惡氣不行眾妖併辟

抱朴子內篇
引神農經

太一子曰凡藥上者養命中者養性下者養

病

藝文類聚
非本草經

太一子曰凡藥上者養命中藥養性下藥養

病神農乃作楮鞭鉤鋤

尺制

從六陰陽與太

乙外巡五岳四瀆土地所生草石骨肉心灰

皮毛羽萬千類皆鞭問之得其所能治主當

具五味一曰

二字舊誤作百

七十毒

太平御覽引本草經

神農稽首再拜問於太乙子曰曾聞之時壽

過百歲而徂落之咎獨何氣使然也太乙子

曰天有九門中道最良神農乃從其嘗藥以

拯救人命

太平御覽引神農本草

案此諸條與今本經卷上文畧相似諸事所引較本經文多又云是太一子說今無

者疑後節之其云藉鞭鉤鉤當是煮萍係製之假音鞭問之即辨問之無怪說也

藥物有大毒不可入口鼻耳目者即殺人

曰鈎吻

盧氏曰陰地黃精不相連根苗獨生者是也

二曰鴟

狀如

生山中

三曰陰命

赤色著木縣其子生海中

四曰內童

狀如

生海

五曰鳩羽

如雀墨頭赤喙

六曰螭

生海中

蝠也博物志引神農經

藥種有五物一曰狼毒占斯解之二曰巴

藿汁解之三曰黎盧湯解之四曰天雄烏

大豆解之五曰班茅戎鹽解之毒菜害小

乳汁解先食飲二升

博物志引神農經

五芝及餌丹砂玉札曾青雄黃雌黃雲母

乙禹餘糧各可單服之皆令人飛行長生

子內篇引
神農四經

春夏為陽秋冬為陰

文選注引
神農本草

春為陽陽溫生萬物

同上

黃精與木餌之卻粒或遇凶年可以絕粒

之米脯

太平御覽引抱
樸子神農經

五味養精神強魂魄五石養髓肌肉肥澤

藥其味酸者補肝養心除腎病其味苦者

心養脾除肝病其味甘者補肺養脾除心

其味辛者補肺養腎除脾病其味鹹者補肺
亦肝病故五味應五行四體應四時夫人性
生于四時然后命于五行以一補身不死命
神以母養子長生延年以子母除病究年

太平御覽引養
生要畧神農經

案此諸條當是玉石草木
三品前總論而後人節去

附吳氏本草十二條

龍眼一名益智一名比目

齊民
要術

鼠尾一名勤一名山陵翹治痢也

太平
御覽

蒲陰實生平谷或圃中延蔓如瓜葉實如桃

七月采止渴延年

太平御覽

千歲垣中膚皮得薑赤石脂共治

太平御覽

小華一名結草

太平御覽

木瓜生夷陵

太平御覽

穀樹皮治喉閉一名楮

太平御覽

櫻桃味甘主調中益氣令人好顏色美志氣

一名朱桃一名麥英也

藝文類聚

李核治仆僵花令人好顏色

太平御覽

大麥一名穰麥五穀之盛無毒治消渴除熱
益氣食密為使麥種一名小麥無毒治利而

不中口

太平御覽

鼓益人氣

太平御覽

暉日一名鳩羽

太平御覽

附諸藥制使

唐慎微曰神農本草經相使正各一種兼以
藥對參之乃有兩三

玉石上部

玉泉畏款冬花

玉屑惡鹿角

丹砂惡磁石畏鹹水

曾青畏菟絲子

石膽水英為使畏牡桂茵桂芫花辛夷白

鍾乳蛇牀子為使惡牡丹牡蒙元六牡蒙畏

紫石英藁草

雲母澤瀉為使畏鮑甲及流水

消石口為使惡苦參苦菜畏女苑

消畏麥句薑

消石葦為使惡麥句薑

礬石甘草為使畏母蠣

滑石石葦為使惡曾青

紫石英長石為使畏扁青附子不欲鮑甲薑

迎麥句薑

石英惡馬目毒公

赤石脂惡大黃畏芫花

黃石脂曾青為使惡細辛畏蜚蠊

神農本草經
六一餘糧杜仲爲使畏鐵落昌蒲貝母

玉石中部

水銀畏磁石

以孽惡防已畏木

九公孽木蘭爲使惡細辛

揚起石桑螵蛸爲使惡澤瀉菌桂雷丸蛇脫

及畏菟絲子

石膏雞子爲使惡莽草毒公

凝水石畏地榆解巴豆毒

磁石紫胡爲使畏黃石脂惡牡丹莽草

元石惡松脂柏子仁茵桂

理石滑石爲使惡麻黃

玉石下部

礬石得火良棘鍼爲使惡虎掌毒公鷺屎細

辛水

青琅玕得水銀良畏雞骨殺錫毒

特生礬石得火良畏水

代赭畏天雄

方解石惡巴豆

八鹽漏蘆為使

藥工部

六之薯預為使得髮良惡常山畏扁青茵陳

木防風地榆為使

天門冬垣衣地黃為使畏會青

交門冬地黃車前為使惡款冬苦瓠畏苦參

青蘘

女萎蕤主畏鹵莽鹹

乾地黃得麥門冬清酒良惡貝母畏無夷

昌蒲秦花秦皮為使惡地膽麻黃

澤瀉畏海蛤文蛤

遠志得茯苓冬葵子龍骨良殺天雄附子毒

畏真珠蜚廉藜蘆

齊蛤薯預紫芝為使惡甘遂

石解陸英為使惡凝水石巴豆畏白僵蠶雷

九

菊花朮枸杞根桑根白皮為使

本草綱目卷之九
甘草木乾漆苦參爲使惡遠志反甘遂大戟
芫花海藻

人參茯苓爲使惡浚疏反藜蘆

牛膝惡熒火龜陸英畏白

細辛曾青東根爲使惡狼毒山茱萸黃耆畏

滑石消石反藜蘆

獨活蠶石爲使

柴胡半夏爲使惡阜莢畏女苑藜蘆

菴藷子荆子薏苡仁爲使惡貝母畏麻黃

葑蕀子得荆子細辛良惡乾薑苦參

龍膽貫眾爲使惡防葵地黃

菟絲子得酒良薯預松脂爲使惡藿茵

巴戟天覆盆子爲使惡朝生雷丸丹參

疾藜子烏頭爲使

沙參惡防已反藜蘆

防風惡乾薑藜蘆白斂芫花殺附子毒

絡石杜仲牡丹爲使惡鐵落畏菖蒲貝母

黃連黃芩龍骨理石爲使惡菊花芫花元參

白解皮畏款冬勝烏頭解巴豆毒

丹參畏鹹水反藜蘆

天名精垣衣為使

決明子著實為使惡大麻子

續斷地黃為使惡雷丸

芍藥白芷為使

黃耆惡龜甲

杜若得辛夷細辛良惡柴胡前胡

蛇牀子惡牡丹巴豆貝母

茜根畏鼠姑

飛廉得烏頭良惡麻黃

薇銜得秦皮良

五味子菴蓉為使惡委蕤勝烏頭

草藥中部

當歸惡藜茹畏昌蒲海藻牡蒙

秦芫昌蒲為使

黃芩山茱萸龍骨為使惡蔥實畏丹砂牡丹

藜蘆

芍藥須丸爲使惡石斛芒消畏石鼈甲小薊
反藜蘆
乾薑秦椒爲使惡黃連黃芩天鼠屎殺半夏
黃芩毒
藁本畏藺茹
麻黃厚朴爲使惡辛夷石韋
葛根殺野葛巴豆百藥毒
前胡半夏爲使惡阜茨畏藜蘆
貝母厚朴白薇爲使惡桃花畏秦芫礬石菴

阜反烏頭

括樓枸杞爲使惡乾薑畏牛膝乾漆反烏頭
元參惡黃耆乾薑大棗山茱萸反藜蘆
苦參元參爲使惡貝母漏蘆菟絲子反藜蘆
石龍芮大戟爲使畏蛇蛻吳茱萸
葶藶薏苡爲使畏葵根大黃柴胡牡蠣前胡
石韋滑石杏仁爲使得菖蒲良
狗脊葶藶爲使惡敗醬
瞿麥蘘草牡丹爲使惡螻蛄

白芷當歸爲使惡旋復花

紫苑款冬爲使惡天雄瞿麥雷丸遠志畏茵

陳

白鮮皮惡蜈蚣桔梗茯苓草薺

白薇惡黃耆大黃大戟乾薑乾漆大棗山茱

黃

紫參畏辛夷

浮羊藿薯蕷爲使

款冬花杏仁爲使得紫苑良惡阜莢消元

參畏貝母辛夷麻黃黃芩黃連黃耆青柏

牡丹畏菟絲子

防己殷孽爲使惡細辛畏草薺殺雄黃毒

女苑畏鹵鹹

澤蘭防己爲使

地榆得髮良惡麥門冬

海藻反甘草

草藥下部

大黃黃芩爲使

桔梗節皮為使畏白及反龍膽龍眼

甘遂瓜蒂為使惡遠志反甘草

葶藶榆皮為使得酒良惡疆蠶石龍芮

芫花決明為使反甘草

澤漆小豆為使惡薯蕷

大戟反甘草

鉤吻半夏為使惡黃芩

藜蘆黃連為使反細辛芍藥五參惡大黃

烏頭烏喙莽草為使反半夏括樓貝母白

白及惡藜蘆

天雄遠志為使惡腐婢

附子地膽為使惡蜈蚣畏防風甘草黃耆人

參烏韭大豆

貫眾藿菌為使

半夏射干為使惡阜莢畏雄黃生薑乾薑秦

皮龜甲反烏頭

蜀漆括樓為使惡貫眾

虎掌蜀漆為使畏莽草

狼牙蕪蕒爲使惡棗肌地榆

常山畏玉札

白及紫石英爲使惡理石李核仁杏仁

白斂代赭爲使反烏頭

藟菌得酒良畏雞子

藺茹甘草爲使惡麥門冬

藎草畏鼠婦

夏枯草土瓜爲使

狼毒大豆爲使惡麥句薑

鬼口長衣

木藥上部

茯苓茯神馬閒爲使惡白斂畏牡蒙地榆雄

黃秦苁龜甲

江仲惡蛇蛻元參

栝實牡蠣桂心瓜子爲使畏菊花羊蹄諸石

麴麴

乾漆半夏爲使畏雞子

雙荆子惡烏頭石膏

五加皮遠志爲使畏蛇皮元參

槩木惡乾漆

辛夷芎藭爲使惡五石脂畏昌蒲蒲黃黃連

石膏黃環

酸棗仁惡防己

槐子景天爲使

牡荊實防己爲使惡石膏

木藥中部

厚朴乾薑爲使惡澤瀉寒水石消石

山茱萸蓼實爲使惡桔梗防風防己

吳茱萸蓼實爲使惡丹參消石白堊畏紫石

共

秦皮大戟爲使惡茱萸

占斯解狼毒毒

梔子解躑躅毒

秦椒惡括樓防葵畏雌黃

桑根白皮續斷桂心麻子爲使

木藥下部

黃環鳶尾爲使惡茯苓防己

石南五加皮爲使

巴豆芫花爲使惡藜蘆大黃黃連藜蘆

班猫毒

欒華決明爲使

蜀椒杏仁爲使畏款冬

沒疏漏蘆爲使

阜茨柏實爲使惡麥門冬畏空青人參苦參

雷丸荔實厚朴爲使惡葛根

獸上部

龍骨得人參牛黃良畏石膏

龍角畏乾漆蜀椒理石

牛黃人參爲使惡龍骨地黃龍膽蜚蠊畏牛

膝

白膠得火良畏大黃

阿膠得火良畏大黃

獸中部

犀角松脂爲使惡藜蘆雷丸

殺羊角菟絲子為使

鹿茸麻勃為使

鹿角杜仲為使

獸下部

麋脂畏大黃

伏翼菟實雲實為使

天鼠屎惡白斂白微

蟲魚上部

蜜蠟惡芫花齊蛤

蜂子畏黃芩芍藥牡蠣

牡蠣貝母為使得甘草牛膝遠志蛇牀良惡

麻黃吳茱萸辛夷桑螵蛸畏旋復花

海蛤蜀漆為使畏狗膽甘遂芫花

龜甲惡沙參蜚蠊

蟲魚中部

蝟皮得酒良畏桔梗麥門冬

蜥蜴惡硫黃班貓蕪荑

露蜂房惡乾薑丹參黃芩芍藥牡蠣

麀蟲畏阜菝昌蒲參黃苓芒藥甘

蟻螞蜚蠊為使惡附子

鼈甲惡礬石貝母野麥門冬

蟹殺荇荇毒漆毒

鮐魚甲蜀漆為使畏狗膽甘遂芫花

烏賊魚骨惡白斂白及

鱗魚下部黃辛夷桑葉

蛻蝦畏羊角石膏甘草干藜藜志

蛇蛻畏磁石及酒甘

猫馬刀為使畏巴豆丹參空青惡膚青

地膽惡甘草

馬刀得水良

果上部

大棗殺烏頭毒

果下部

杏仁得火良惡黃耆黃芩葛根解錫胡粉毒

畏藁草

茶上部

冬葵子黃芩為使

蔥實解藜蘆毒

米上部

麻蕒麻子畏牡蠣白微惡茯苓

米中部

大豆及黃卷惡五參龍膽得前胡烏喙杏仁

牡蠣畏殺烏頭毒

大麥蜜為使

右二百三十一種有相制使其餘皆無

四種續添案當云三十五種

立冬之日菊卷柏先生時為陽起石桑螵蛸

凡十物使主二百草為之長

立春之日木蘭射干先生為柴胡半夏使主

頭痛四十五節

立夏之日蜚蠊先生為人參茯苓使主腹中

七節保神守中

夏至之日豕首茱萸先生為牡蠣烏喙使主

四肢三十二節

立秋之日白芷防風先生為細辛蜀漆使主
胃背二十四節原注右此五條出藥對中義旨淵深非俗所究雖莫可遵用而是主統之本故亦載之

補遺

栝樓葉似瓜葉形兩兩相值蔓延青黑色六

月華七月實如瓜瓣爾雅釋草疏引本草

燕麥生故墟野林下苗似小麥而弱實似穉

麥而細在處亦有之爾雅同上案證類本草雀麥是黑字

薺味甘人取其葉作箔及羹亦佳爾雅同上案證類

本草薺是黑字

杜衡味辛香人衣體爾雅釋草釋文引本草案證類本草杜衡

黑字

石芸一名螯烈一名顧喙爾雅釋草疏引本草御覽九百八

十二引作吳氏本草顧作領案證類本草載有名未用種內

蜚厲蟲也爾雅釋蟲疏引本草

鸛骨味甘無毒治鬼蟲諸症五尸心腹疾爾雅

九百二十五引神農本草案證類本草鸛骨是黑字

芫青春食芫華故云芫春秋為地膽黑頭赤

尾味辛有毒主蟲毒風注秋食葛華故名之
為葛上亭長御覽九百五十
一引本草經

桑根旁行出土上者名伏蛇治心痛御覽九
百五十

五引本草御覽九百五十

桑根白皮是桑樹根上白皮常以四月採或

採無時出見地上名馬領勿取毒殺人御覽
同上

引神農本草

合歡生豫州河內川谷其樹似狗骨樹御覽
九百

六十引神農本草

石肺一名石肝黑澤有赤文如覆肝置水中

即乾主益氣明目生水中御覽九百八十七
引本草經 案石

肺證類本草載有名未用種內

石脾一名胃石一名腎石赤文主治胃中寒

熱御覽同上 案證類
本草石脾是黑字

青石脂味酸平無毒主養肝膽氣赤石脂味

酸無毒養心氣黃石脂味平無毒主養脾氣

白石脂味甘無毒主養肺氣黑石脂味甘無

毒主養腎氣強陰陽蝕腸泄利御覽同上
案此與證類

本草所載不同

會青生蜀郡名山其山有銅者會青出其陽

青者銅之精能化金銅御覽九百八十八引本草經

鹿脂近人令人陰痿御覽同上案證類本草白字有麋脂無鹿脂

戴辟不祥生淮南御覽同上

苦參一名水槐御覽九百九十一引本草經

忍冬味甘久服輕身御覽九百九十一引本草經案證類本草忍冬

是黑

陵若生下濕水中七八月華華紫似金紫草

可以染帛煮沐頭髮即黑御覽九百九十一引本草經

萱一名忘憂一名宜男一名岐女御覽同上案證類

本草萱草是黑字

虎嘯風生龍吟雲起磁石引鍼琥珀拾芥澆

得蟹而散麻得漆而湧桂得葱而軟樹得桂

而枯戎鹽累卵獬膽分杯其氣爽之相關

也李石續博物志九引本草經

